

元遺山詩集箋注

元遺山詩集箋注卷九

烏程

施國祁北研箋

蔣炳枕山校

七言律詩

望崧少二首

崧少飛來崑閬山山家茅屋翠微間雞豚鄉社相勞苦花木
禪房時往還結習尚餘三宿戀殘年多負半生閑長河一葦
人千里望斷西城碧玉環

結習

維摩經語
見傳燈錄

三宿

後漢襄楷傳浮屠不三宿桑
下不欲久生思愛精之至也

飲鶴池邊萬木稠養龍崖上五峰秋
藤垂絕壁雲添潤澗落哀湍雪共流
田父占年驚玉旆詩仙畱迹歎崑丘
西風落日

山陽道空對紅塵憶舊遊

飲鶴池在嶽山養
龍崖在五乳峰下

崑邱

中州集王渥詩後附仙人詩有句云
陽燧非無角綺綺元鼎以來虛崑邱

懷州子城晚望少室

河外青山展臥屏并州孤客倚高城十年舊隱拋何處一片
傷心畫不成谷口暮雲知鄭重林梢殘照故分明洛陽見說
兵猶滿半夜悲歌意未平

一片

高蟾金
陵詩句

別覃懷幕府諸君二首

本集三十四卷清眞觀記房志起自
覃懷來介于幕府諸君云云亦是

王後盧前舊往還江東渭北此追攀百年人物存公論四海
虛名只汗顏詩酒聊堪慰華髮衡茅終擬共青山相思後日
并州夢常在瑤林照映間

王後

唐書楊炯傳我恥
居王後號在盧前江東

杜甫詩渭北春天
樹江東日暮雲

太行醴秀在山陽嵇阮經行舊有鄉林影池煙設清供物華

天寶借餘光承平故事嗟猶在雅詠風流豈易忘稍待秋風

入涼冷百壺吾欲醉籌堂

河內有七賢祠

羊腸坂

北史崔廓傳子蹟大業四年從駕往太山詔問蹟何處有羊腸坂答曰臣按漢書地理志上黨壺關有羊腸坂帝曰非也又曰臣按

皇甫士安地書太原北九十里

有羊腸坂曰是也

浩蕩雲山直北看凌兢羸馬不勝鞍老來行路先愁遠貧裏辭家更覺難衣上風沙歎憔悴夢中燈火憶團圓憑誰爲報東州信今在羊腸百八盤

高平道中望陵川二首

此縣先隴城府君泰和中舊治○地志河東南路澤州高平縣陵川縣○本集三十

七卷南冠錄引余生七月山繼叔氏隴城府君

列宿澄明墨綬尊中臺良選到名門來時珥筆誇健訟去日攀車餘淚痕一片青山幾今昔百年華屋記生存泰和遺老今誰在向道甘棠有子孫

列宿

晉天文志郎官上應列宿 華屋 晉謝安傳生存處

鈴閣文書到酒卮諸曹小吏亦抄詩座中佳客無虛日簾下

歌童盡雅辭棠棣有花移舊巧櫻桃和露鞞繁枝書郎零落

頭今白腸斷荷衣出拜時

棠棣櫻桃皆當時事

棠棣

續夷堅志先人宰陵川泰和甲子元夕縣學燒燈有以杏棣棠枯枝為剪綵花者燈罷家僮乞之供于縣署佛屋中四月上七夜先夫人焚誦次乃見棠棣皆

作花真履相半先人會賓示之以為文

荷衣

幽閑鼓吹李賀七歲能詞章韓愈皇甫字之祥因賦端花詩余年始十五矣

過下筆立成

野谷道中懷昭禪師

湛然集用韵答昭禪師詩云銀鈎全似趙周臣詩比黃華格調新道眼點開言外句禪心說破

劫前塵山中鼓擊無為客林下逍遙自在人不犯清波垂釣處臥龍隨手出龍津○本集三十七卷語錄引

行行汾沁欲分疆漸喜人聲挾兩鄉野谷青山空自繞金城

白塔已相望湯翻豆餅銀絲滑油點茶心雪藥香說向阿師

應被笑人生生處果難忘

太原

地志河東北
路太原府

夢裏鄉關春復秋
眼明今得見并州
古來全晉非無策
亂後清汾空自流
南渡衣冠幾人在
西山薇蕨此生休
十年弄筆文昌府
爭信中朝有楚囚

眼明

韓愈詩潁水
崑山刮眼明

外家南寺

在至孝社子兒時讀書處也○舊唐書張道源傳并州祁縣人
以孝聞縣令改其居爲復禮鄉至孝里案先生母張夫人或卽
其裔耶○本集四十卷有別業上梁
文新樂府有外家種德堂院溪沙詞

鬱鬱秋梧動晚煙
一庭風露覺秋偏
眼中高岸移深谷
愁裏殘陽更亂蟬
去國衣冠有今日
外家梨栗記當年
白頭來往人間徧
依舊僧窗借榻眠

追賦定襄周帥夢卿家秋日牡丹

千古吳中富貴家
秋風吹送洛陽花
眞如鏡裏春難老
玉女

車邊日易斜紀瑞定誰增舊譜換根元自有靈砂來遲不及

西堂宴猶想分香入棣華

周有棣華堂

玉女車

劉禹錫玉蕊花詩玉女來看玉樹花異香先引七雲車振枝弄雪時回首驚忙人間日易斜

棣華

新樂府有周師棣華堂紫牡丹朝中

措詞

桐川與仁卿飲

敬齋古今註云向高碑縣之桐川嘗與李鼎之和論性命又焦集賢文集序云先生北渡隱崢嶸山之桐川聚書

環堵中閉門卻掃以涵泳先王之道為樂雖飢寒不恤也

蕭蕭茅屋繞清灣四面雲開碧玉環已分故人成死別寧知

尊酒對生還風流豈落正始後詩卷長留天地間海內斯文

君未老不須辛苦賦囚山

風流二句

又見後無盡藏詩

正始

晉衛玠傳謝鯤稚重玠相見忻然王敦語鯨曰不詩意永嘉之末復聞正始之首案正始魏廢帝年號

卷

少陵句

囚山

柳宗元有囚山賦

過濁鹿城與趙尚賓談山陽舊事

地志河東南路懷州修武縣有濁鹿城○秋澗集河

內修武縣重修朝學記如近代進士張夢弼郭
繼張袞祁文秉趙尚宸文采風流照映一時云

廢邑蕭條落照邊山陽遺迹世空傳肺腸未潰猶可活灰土
已寒寧復然負鼎運來元有力考槃人去更堪憐因君憶得
曹瞞事銅雀臺荒又幾年

官園探梅同康顯之

本集三十卷宣武表府學教授康侯顯之三十一
卷東平新學記署卿先生康口儒林祭酒並

是案顯之高唐州
人有沒軒文集

柳麥榆椒寂寞邊儘饒梅事得春偏畱殘瘦骨猶堪畫未展
幽香已可憐千里移根自何許數枝臨水記當年開時重約
花前醉試手東風第一篇

柳麥

馮延登春雨詩已見鵝黃
勻柳麥更看檀紫上榆椒

十二月十六日還冠氏十八日夜雪

少日騫飛掣臂鷹只今癡鈍似秋蠅耽書業力貧猶在涉世

筋骸老不勝千里關河高骨馬四更風雪短檠燈一餅一鉢
平生了慚愧南窗打睡僧

臂鷹

朝野僉載蘇味道王方慶同為鳳閣侍郎或問張元一二子孰賢者曰蘇如九月得霜鷹王如十月被凍鴈問其故曰得霜鷹俊捷被凍鴈頑鈍

餅

鉢

貫休詩一餅一鉢垂垂老萬水千山得得來

別康顯之

玉川文字五千卷鄭監才名四十年誰謂華高吾豈敢耻居
王後子當然河亭笑語歸陳迹里社追隨失後緣後夜并州
月千里南窗尊酒且流連

玉川

盧全詩三校搜枯腸惟有文字五千卷

寄楊飛卿

本集三十七卷有陶然集序

客夢悠悠信轉蓬
藜牀殷殷動晨鐘
西風白髮三千丈
故國青山一萬重
沙水有情留過雁
乾坤多事泣秋蟲
三間老屋

知何處慚愧雲間陸士龍

三千丈

李白詩白髮三千丈緣愁如許長

雨夜

夢裏孤蓬雨打秋茅齋元更小於舟無錢正坐詩作祟識字
重爲時所讐千里謾思黃鵠舉六年眞作賈胡留并州北望
山無數一夜砧聲人白頭

東平送張聖與北行

天山曾望使車還官柳青青此重攀去國衣冠元易感中年
親友更相關籬雲自可無千里隱霧難教見一斑海內文章
在公等

兼謂李主簿仁卿

不應空老道途間

籬雲

漢書禮樂志天馬歌籬浮雲曉上池

別張御史

特立字文舉○史本傳正大四年拜監察御史

晚學天教及老成翰林詩裏羨鴻冥馮內翰文贈御史詩有鴻冥雉媒之句簞瓢此

日歸顏志銅墨當時動漢庭華袞設勞紆直筆御史見貽之作過有褒拂絳帷

無復與橫經祇應千里并州道常並虛危候德星

銅墨漢官儀邑宰銅章墨授秩六百石華袞穀梁序一字之袞榮于華袞

出東平

老馬凌兢引席車高城回首一長嗟市聲浩浩如欲沸世路

悠悠殊未涯潦倒本無明日計往來空置六年家東園花柳

西湖水剩著新詩到處誇

東園東園在東平十卷有晚眺探梅詩西湖東園即濟南之大明湖

再到新衛地志河北西路衛州河平軍大定二十六年以遼河患徙于其城二十八年復舊治貞祐二年七月城宜都三年五月徙治于

宜都新城以胙城為倚郭正大八年以石毀其城○高霖傳貞祐二年為都水監詣城立都為衛州以護北門上從之○白撒傳正大九年正月壬辰棄衛州運守具入京初大兵破衛州宣宗南遷移州治于宜都旋棄新

城于河北岸去河不數里惟北面受敵而以石包之歲屯重兵于此大兵

屢至不能近至是棄之遂爲大兵所據○五行志宣宗貞祐元年時衛州有童謠云國變冬劈半年寒食節没人烟明年正月元兵破衛州遂邱墟矣又正大七年十二月新衛州北三里許有影在沙上加舊衛州城狀寺塔宛然數日乃滅○元史黎直嘯魯華傳金宣宗之徙都于汴也立河平軍于新衛以自固恃爲北門○郭侃傳王辰金將白撒復取衛州侃拒之破其兵四萬于新衛州

蝗旱相仍歲已荒伶俜十口值還鄉空令姓字喧時輩不救飢寒趨路傍行帳馬嘶塵湏洞空邨人去雨淋浪河平千里筋骸盡更欲驅車上太行

行帳

遼營衛志牙帳以槍爲硬塞用毛繩連繫以花衛土風雪

別冠氏諸人

戊戌秋八月初二日

東舍茶渾酒味新西城紅豔杏園春衣冠會集今爲盛里社追隨分更親分手共傷千里別低眉常愧六年貧他時細數平原客看到還鄉第幾人

杏園

卽紀子正家

入濟源寓舍

戊戌八月二十二日

未辦驅車上太行主人畱此避風霜
遺編墜簡文章爛糲食麤衣歲月長
奮迅舊嫌扶老杖龍鍾今屬負暄牆
睡中刺刺聞人語季子金多過洛陽

負暄牆

杜甫詩杖藜尋巷晚炙背近牆暄

鎮平縣齋感懷

嘉靖河南志南陽府七十里爲鎮平縣東至南陽縣界四十里西至內鄉縣界五十里南至鄧州界四十里北

至南陽縣界五十里○史完顏合達傳楊沃衍東還會大軍于鎮平元史地志南陽府金升爲中州有南陽鎮平二縣續夷堅志王叟陰德云子在鎮平日嘗過其家案地志鄧州文下闕載升州立縣事當補別詳二十卷夾谷碑○本集十一卷有負酒寄筆書事寄家四詩新樂府有罷鎮平歸西山草堂清平樂詞

四十頭顱半白生靜中身世兩關情
書空咄咄知誰解擊缶嗚嗚卻自驚
老計漸思乘款段壯懷空擬謾崢嶸
西窗一夕無人語挑盡寒燈坐不明

頭顱

蘇軾詩四十
豈不知頭顱
但終日書空作咄咄怪事而已

天拊缶而
呼烏烏

野菊再奉座主閑閑公命作

前八卷有
野菊詩

晚景蕭疎畫不成
晚花作意出繁英
鮮明獨向霜露見
爛漫卻隨蒿艾生
南國騷人知有待
西風蝴蝶更多情
南山正在悠然處
安得芳樽與細傾

五月十二日座主閑閑公諱日作

墓銘公已老日以時事為
憂雖食息頃不能忘每聞

一事可便民一士可擢用大則奏章小則為當路者言殷勤鄭重不能自
已竟用是得疾以夏五月十有二日春秋七十有四終于私第時軍國多
故將祭不及大夫士相弔閭里細民亦知有邦國
珍瘁之歎越二日權輿開陽門外二百步有待也

厝火誰能救已然
直教憂疾送華顛
贈官不暇如平日
草詔空傳似奉天
故壘至今埋恨骨
遺宗何力起新阡
門生白首渾無補
陸氏莊荒又一年

草詔

唐陸贄傳贄草奉天所下制書雖武人悍卒無不感動流涕○案史趙秉文傳三月草天興改元詔里巷間皆能傳誦洛陽人拜詔畢舉城痛哭其感人如此

四哀詩

李欽叔

史徒單元典傳天興元年九月元帥完顏忽斜虎入陝州詔拜參知政事行尚書省事以河中總帥府經歷官李獻能充左右司員

外郎獻能字欽叔貞祐三年進士復立山寨安撫軍民十月忽斜虎赴南陽以阿不罕奴十刺權參知政事時趙偉為河解元帥屯金鵝堡軍務隸陝省行省月給糧以贍其軍明年五月麥熟省札令偉計糧兵食權罷月給十月偉軍食又盡屢白陝省云無糧可給偉私謂其軍言我與李員外郎有隙坐視我軍餓餓不為存恤十一月偉密遣總領王茂軍士三十人入陝州匿菜園中凡三四日乘夜殺北城邏卒舉號召偉軍八百渡河入城劫殺阿不罕奴十刺李獻能提控蒲鮮某總領來道安因誣奏奴十刺等欲反臣誅之矣綏延知其冤而莫敢詰或謂偉軍餉不繼以劫掠自資一日詣李獻能獻能斬之曰從宜破敵不易由是懾之乃乘奴十刺宴飲不設備選死士二十八人夜由後河灘踰城而上取餽爐碎石擲屋瓦門扇為箭鏃聲州人疑叛軍多不敢動遂開門納軍殺行省以下官屬二十一人獻能最為所恨故被害尤酷○續夷堅志康伯祿李欽叔壬辰冬十二月行部河中先城未破一口康與欽叔求夢于神伯祿夢城墜爭破船落水中為一錦衣美婦援之而去美婦援山滿眼皆桃花欽叔夢人與桃符二上寫宜入新年長命富貴明日城陷伯祿爭船不得上落水死李得船走陝縣三四日改歲陝合楊正卿令人送桃符所書如夢中所云○秋澗集過郊底邨聽田父話陝州事詩云阿欽一死無由得坐對從渠說趙三○案夷堅云云欽當死于癸巳正月與中州趙京父傳云欽殺于壬辰

之十一月不合
○已詳一卷

赤縣神州坐陸沈金湯非粟禍侵尋當官避事平生耻視死
如歸社稷心文采是人知子重交朋無我與君深悲來不待
山陽笛一憶同衾淚滿襟

金湯

文選王融策秀才文
金湯非粟而不守

同衾

案指孟
津時事

冀京父

中州集冀都事禹錫字京父龍山人崇慶二年進士調沈丘簿與
縣合者不相能及令以贖敗疑京父發之乃給遺權貴誣京父以

賓客依託之事坐廢十年朝臣薦其才者積數十人終爲銓曹所礙居襄
邑部使者起之攝考近諸縣所至有父母之愛農司治許昌又爲主事區
處餽餉上下千餘里不露盤迹而條畫次第皆具雖隣雜米鹽若不足經
意者問之卽應如指諸掌一時吏如康伯祿李欽止諸人多自以爲不及
也正大中當路諸公極力辨其被謬乃得以常調守扶風丞召補省掾不
就歸德奏充知事及城被攻京父爲經歷官守禦之策一府倚重之車駕
至授左右司都事兼應奉翰林文字官奴之變家人勸京父羸服免禍不
從人有自外至者京父問賊穴禁中否曰禁中賊滿矣乃自投水中在京
師時希顏仲澤欽叔京父相得甚歡升堂拜親有昆弟之義而不肯徒以
文字之故得幸諸公間希長子六歲澤長四歲欽與京少子二歲希沒于
正大辛卯之八月年四十八澤沒于明年之七月年四十七欽沒於其年
十一月年四十一京沒於又明年之三月年四十二蓋不三二年而五人

者惟不肖在耳今日錄諸君子詩感念平昔不覺流涕之被面也○歸潛志冀禹錫京父惠州龍山人幼聰敏絕倫年十九擢大興魁入太學有聲弱冠登高第時雷希顏宋永卿皆為同榜號為得人京父入仕以能稱遇事風生老吏莫及初主沈邱簿以年少喜交游飲酒遂為其令所乘坐再調考柘二城皆主簿又以治聞由前過終不得京官朝士屢薦之為當途者所阻居間日與諸公宴游蒙昭雪得扶風丞因客睢陽為行樞密院辟為都事滿察官奴之變與宰相李燾同見殺年四十三○史石齋文節歡傳正大九年二月守歸德時經歷黃禹錫及官屬王璽李琦傅瑜極力守禦城得不拔○官奴傳官奴亂都事黃禹錫赴水死歸德受兵禹錫為行院都事經畫守禦一府倚重聞變或勸以微服免不從見害○案京父少遭山二歲歸潛作殺年四十三誤也

先公藻鑑識終童曾接崑山玉一峰不見連城泊白壁蚤聞
烈火燎黃琮重圍急變紛紛口九地忠魂耿耿胸欲弔南雲
無覓處士林能不泣相逢

南雲

唐忠義傳南雲少微賤為人操舟睢陽被圍募萬死一生者無敢應俄有暗鳴而來者乃南雲也

李長源

史文藝傳李份字長源來京師上書言時事不合去客唐鄧間恒山公武仙署行尚書省講議官既而與參知政事完顏思烈相異

同願謀自安懼份言論欲除之份覺遁泌陽仙令總師王德追獲之鎖養馬半絕食而死年未四十○中州集王元粹與李長源詩十月兩來始哭

君山中何處有孤墳以才見殺人皆惜忤物能全我未聞李白歌詩堪懣
詔陳琳書檄偶從軍窮途無地酬知己會待昇平組舊文。本集二十五
卷蓬然銘云長源歿死西山獄中。案長源述史詩序正大庚寅行年三
十有九泌陽之死當在天興壬辰三月年四十有一史傳承歸潛之誤作
年未四十非也
○已詳三卷

冀都事死東州禍李翰林亡陝府兵方爲騷人箋楚些更禁
書客墮秦坑石苞本不容孫楚黃祖安能貸禰衡同甲四人

三橫實此身雖在亦堪驚

石苞

晉孫楚傳參石苞軍事自負材氣頗倨苞初至長揖曰天子命
我參卿軍事嫌隙遂深武帝雖不欲顯其罪然連廢積年
衛每侮劉表不能容遂黃祖作書記後祖在船上大會賓客衛
言不孫順祖獻詞之乃執視曰死公云等道祖大怒遂令殺之
黃祖後漢文苑傳禰

王仲澤

史思烈傳初思烈會武仙等軍入援即與仙論議不同仙畏思烈
方得君每假借之思烈謂仙本無入援意特以朝廷遣一參政召

兵迫于不得已乃行耳然仙知兵頗以持重爲事思烈急于入京不聽仙
策于是左右司員外郎王涯乃勸思烈曰武仙大小數百戰經涉不爲不
多兵事當其議思烈疑其與仙有謀幾斬之涯自以無愧于內不懼也已
而思烈果敗涯歿于陣涯字仲澤後名仲澤太原人性明俊不藉博學善
談論工尺牘字畫清美有晉人風少游太學長于詞賦登興定二年進士
第爲時帥奧屯邦獻完顏斜烈所知故多在兵間後辟寧陵合有治蹟八

爲尚書省令史因使宋至揚州應對敏給宋人重之及還爲太學助教轉樞密院經歷官徽遷右司都事稍見信用及恩烈往鄧州以滯爲左右司員外郎從行。白華傳正大六年上召忠孝軍總領蒲察定住經歷王仲澤戶部郎中刁璧面諭之云云。交聘表哀宗正大七年以宣陵令王渥往宋議約再往不成。已見八卷

太學聲華弱冠馳青雲岐路九霄飛上前論事龍顏喜幕下
籌邊火吹稀壯志相如頭碎柱赤心嵇紹血沾衣從來聖牘
褒忠義誰爲幽魂一發揮

籌邊

唐李德裕傳節度劾

嵇紹

晉忠義傳紹以天子蒙塵馳詣行在所值王師敗績于襄陽百官侍衛莫不潰散紹慨然端冕以身

捍蔽兵交御前飛矢雨集遂被害于帝側血濺御衣天子深哀歎之

過詩人李長源故居

楚些招魂自往年明珠眞見抵深淵巨鰲有餌雖堪釣怒虎
無情可重編千丈氣豪天也妬七言詩好世空傳傷心鸚鵡
洲邊淚卻望西山一泫然

天也妬

歸潛志南渡後士風甚薄一登仕籍視布衣諸生遽爲兩途至于徵逐游從輒相分別故布衣有事或數謁見在位者在位者相報復其希甚者高

居臺閣實交不可見故李長源憤其如此嘗曰以區區一第傲天下士

鵲洲信

賦落帆黃鶴之浦
藏船鵲洲之洲

己亥十一月十三日雪晴夜半讀書山東龔看月

四山寒雪夜深明未恨崔嵬失舊青青女有功加粉澤素娥
無意惜娉婷微雲河漢非人世太古鴻荒見典刑剩著新詩
記今夕年年來醉半山亭

明日作

晴光晃漾入危闌萬象都歸一色看搖筆尚堪凌浩蕩舉杯
誰與慰荒寒化成銀界清涼近散盡冰花碧海乾後夜霜空
月輪滿可無秦女共鵲鸞

杏花二首

庚子歲
南庵賦

芳樹春融綠螭凝春風寂寞掩柴荆畫眉盧女嬌無奈齟齬
孫孃笑不成已怕宿妝添蝶粉更堪煖葉鬧蜂聲一般疎影
黃昏月獨愛寒梅恐未平

一穗蘆鞭一穗塵西園紅豔眼中新帽簷分去家家喜酒面
飛來片片春梅柳幾曾同故事櫻桃纔得綴芳辰荒城此日
腸堪斷老卻探花筵上人

醉後

蚤歲披書手不停中年所得是忘形天公不禁人間酒崔瑗
虛畱座右銘身後山邱幾春草醉來日月兩秋螢柴門老雨
青苔滿一解狂歌且自聽

座右銘

崔子玉銘見
藝文類聚

賦南中楊生玉泉墨

墨不用松烟而用燈煤。陸友墨史楊文秀字
伯達本江左人在金之季以善墨聞其法不用

松烟而用燈煤子彬得其遺法以授耶律楚材楚材授子鑄便造一萬九曰玉泉萬笏

萬竈元珠一唾輕客卿新以玉泉名御園更覺香爲累冷劑
休誇漆點成浣袖秦郎無藉在畫眉張遇可憐生晴窗弄筆
人今老孤負松風入硯聲官中以張遇磨香小圖爲畫眉墨

秦郎

河汾詩段成已跋秦得真墨詩晴窗不用辨犀紋墨妙秦郎已飲聞翠餅瑩如

手兩左授贈負伊勤。秋澗集贈墨卿秦得真詩壯心零落羽林槍老劉元圭入退藏
爲報鳳皇池上客不應人品擅潘張墨卿秦得真詩壯心零落羽林槍老劉元圭入退藏
翰日桂香欄檻聽松風。跋秦得真墨軸後墨之名家者唐以來不數人其難也若是
如坡公尚煤松自創微潘谷漆法至竈發舍焚曾無倦色宜乎秦君嗜之而不厭也蓋
將紹潘張之絕藝發潘德之幽光耶予近以沈烟寶齋就龍尾石試之其

張遇

史

墨黑而能光潤而不泥乃知精妙入神方駕前輩爲諸公所稱道宜矣
張遇易水人遇墨有題光放年者妙不減廷珪官中取其墨燒去烟用以畫眉謂之畫
眉墨蔡君謨謂世以欽州李廷珪爲第一張遇爲第二遇亦有二品易水貢墨爲上供
堂墨次之蘇子瞻云磨香張遇墨兩枚或自內廷得之以見遺藏之久矣製作精至非
常墨所能彷彿陳無已見秦少游有張遇墨一團面爲盤龍鱗鬣悉具其妙如畫其背
有張遇磨香四字語云良玉不琢謂其不借美于外也張其後乎墨經云凡印方直最
難往往多裂易水張遇印多方直者其剗熟可知葉少蘊云兩漢閒稱墨多言九魏晉
後始稱鐫取其上銳必肖如今之挺形而丸則其制不可解或云乃今之錢子墨世傳
張遇墨乃唐末時物皆爲錢子是其遺法然極不便于研磨古人爲之當別有意也。

中州集劉雲卿戲蒼侯威卿覽墨詩萬松大厄化細處依舊徂徠雲裏春冷劑香
螺麤一足破慳分與畫眉人注云宮中取張遇墨燒去膠以之畫眉謂之畫眉墨

贈張文舉御史

序

安穩藜牀坐欲穿合教絕學到真傳清貧自苦知何負神理
無憑恐未然麋乳尚憐孤竹餓龍頭誰議管寧賢無窮白日

青天在會有先生引鏡年

先生新
失明

藜牀

庾信小園賦管寧
藜牀雖穿而坐

絕學

元史隱逸傳特立通程氏易晚教授諸
生東平嚴實每加禮焉所著有易集說

寄答飛卿

一首新詩一紙書喜於滄海得遺珠古來獻玉猶難售此日
聞韶本不圖白雪任教春事晚青天終放月輪孤并州命駕
纔千里嵇呂風流未可無

新詩

本集三十七卷陶然集序云飛卿每
作詩必以示予相去千里亦以見寄

遺珠

杜甫詩地靈步步雪
草僧寶人人滄海珠

畱別龍興沐禪師普照鑑禪師

十年不見木庵師二老相從又一時俚曲只知無白雪遺音
誰謂有朱絲書難盡信何如默人各爲家枉自私三月春風
滿桃李青青畱看歲寒枝

赤石谷

林罅陰崖霧杳冥石根寒澗玉玎玲雲來朔漠疑秋蚤山近
清涼覺地靈靜愛鳥聲存野調閑嫌人跡帶塵腥南臺說有

金銀氣可是并汾處士星

繫舟山僧徒謂之小五臺九月月中時有景星如佛光云

贈楊君美之子新甫

元文類許衡南京轉運司度支判官楊公銘公諱天德字君美其先耀之美原人至高祖徙高

陵世業農父禮于大定庚子生公于北郭使公游學隸太學登興定二年進士釋褐溥州聊城丞未赴陞陝西行臺掾權大理丞主慶陽安化簿尋辟隆德令再辟安化令補尚書都省掾轉運判官京城不守流寓宋魯十年歸長安亂後目昏不能視書使其子講誦而朝夕聽之以自樂戊午十月四日卒于家年七十有九一子曰恭懿克紹先志平居事公已著信于朋友而執喪哀毀至五日不食能行古道治喪一從公道命用司馬氏朱氏考訂古禮獨得以禮葬有子如此爲不朽矣。中州集楊興宗傳云予同舍郎關中楊君美卽此。元名臣事略太史楊文康公名恭懿字元

南奉元人隱居不仕至元十三年召至京師云云。姚遂揚公神道碑公以正大乙酉生童而讀書記識敏日數千言時艱從中大夫逃亂而東其居于汴于歸德于天平雖間關險阻未嘗怠弛其業年十七侍中大夫西歸無田于郊假室以居鄉鄰或繼其匱皆謝不取惟服勞以爲養暇則力學綜博于書無不經目而究心者摳衣之徒戶外滿屨橫經八閭爲析疑義源源其詞若決江河而下之名聲日延海內搢紳友中大夫者馳書交譽時已遠易禮春秋思有著述耻爲章句儒而止志于用世反覆史學以監觀廢興存亡理亂得失于數千百年之中年二十四始得朱子集注章句四經太極圖小學近思錄諸書誦其言而惟其意嘆曰人倫日用之常天道性命之妙皆萃此書今入德有其門矣

書林頭白坐吟呻青佩橫經更幾人總角未逢韓吏部伏膺先就楚靈均岳蓮盡發三峰秀玉樹初含二月春看取楊家伯男子今年天壤姓名新

隱亭同麻知幾賦

零落棲遲復此遊一尊聊得散羈愁天園平野莽無際水遶孤城閑不流

元是深字知幾謂子政作閑字

柳意漸迴淮浦暖雁聲仍帶塞門秋

登高望遠令人起欲買煙波無釣舟

答公茂

元文類姚遵中書左丞姚文獻公碑惟姚為神明之後至今東上閤門使玠生閤門祔候伶仃生獲嘉合籍錡生慶陽安化丞仲宏生公諱樞字公茂自稚弱一力于學遷許白期甚高宋內翰九嘉有重名方居許折行位與之游王辰許城被圍州版公軍資庫使與副夜直四鼓聞窓外嘆曰人獻東門出索之無得副曰我嘗遣兵河朔鬼物云然竝球吾家乃相與歸至家乃盡出金錢酒具意飾喪諒為逃死謀日出而東門果破邀軍將蕭姓者入家盡付所出蕭曰吾嘗受丘真人教汝軍中惟排人無殺吾救乃死公聞太宗詔學士十八人即長春官教之俾楊中書惟中監督則往依焉中書少公六歲兄稱之與備北觀時龍庭無漢人士大帝喜其來甚重之乙未從南征辛丑賜錦衣金符以郎中行臺于燕○案詩中除目云云當即辛丑除郎中時○又詳七卷

文昌除目入驚看似覺規摹到漢官
冀北已空天下馬江東全倚謝家安
黃圖赤縣風流在碧落銀河病眼寬
林下升平有他日草堂應許駐金鞍

冀北

韓愈雜說伯樂一過冀北之野而馬群遂空

升平

隋天文志太平日行上道升平日行次道

過應州

地志西京路應州

平野風埃接戍樓邊城三月似窮秋
人家土屋纔容膝驛路

旃車不斷頭隨俗未甘嘗馬湏敵寒直欲禦羊裘十年紫禁

煙花繞此日雲山是應州

馬湏

北史康解薛傳北極于海雖畜馬而不乘資湏酪以食

應州寶宮寺大殿

出然集請旭公禪師住應州寶宮寺疏云孫枝出自萬松中便好移來住寶宮覆蔭人天正今日不

妨鼓動切前風

縹渺層簷鳳翼張南山相望鬱蒼蒼七重寶樹圍金界十色

雲華擁畫梁竭國想從遼盛日閩人真是魯靈光請看孔釋

誰消長林廟而今草又荒

雲華

升庵集金園仙人王子可詩多用雲華字見中州集元好問詩剝裂雲華讀月秋又寶宮寺聯云七重寶樹開金界十色雲華繞畫梁雲華文也又石文似雲亦

日雲華古三墳書日雲亦雲月雲素雲

遼日

談遷采林維祖應州治西佛宮寺遼清寧二年田和尚奉勅立有釋迦塔高三百六十尺圍半之六營角上下皆巨

木為之層如樓

林廟

河汾詩曹金甫有應州廟學釋奠詩

閔玲瓏宏敞

懷安道中寄懷曹徵君子玉

地志西京路大同府懷安縣口水墓餘子玉名珏應州人余始

見于方城介于王仲澤乃定交年長余十七歲以兄事之正大末以薦徵會兵罷○詳二十四卷墓表

緒水歡游事已非襄山回首重依依義熙畱在陶元亮華表來歸丁令威袖裏短書懷老筆夢中臍腹見褒衣祝君飽喫殘年飯會有鄰牆白版扉

褒衣

漢舊不疑傳褒衣博帶注褒大褱也

殘年

杜甫詩但使殘年飽喫飯只願無事長相見

五月十一日榜軒老忌辰追懷

河汾詩麻革信之密國公挽詞鬱鬱佳城閑朝朝銘旌開風悲

信陵墓而八季主臺萬古傷梁壞千年望鶴來平明關門外蕭鼓不勝哀漢制逢恩禮周封列屏翰人知尊帝曹我但識儒冠零落傷蘭桂孤高嘆鳳鸞從今門下客長歎向誰彈○已詳三卷

遺後交情老更傷每逢此日倍難忘神光何處理泉壤落月無言滿屋梁祕閣圖書疑外府謝家蘭玉記諸郎靈均漫倚騷經在宗國河山半夕陽

公藥今為亂家所迷故有上句

遺後

杜甫詩一哀三峽暮遺後見交情

感事

本集三十九卷昔耶律成仲書云癸卯之冬嘗奉命作先相公碑初不敢假借聲勢悠悠者若謂恩池被奪百謗百罵與渠輩無血讎骨恨而乃撰造事端欲使之即日灰滅固知有神理在然亦何苦以不貴之軀而試不測之淵乎案先生北渡後曾為蒙古相耶律楚材父金右丞耶律履作神道碑凡二千餘言詞事相稱極見材力而燕中人以先生不應當筆故有此謗罵詩中語極道悔恨之意與答書合

富貴何曾潤髑髏直須漸米向矛頭血簪此日逢三怨風鑒
生平備九流瓢飲不甘顏巷樂市鉗真有楚人憂世間安得
如川酒力士鎗頭醉死休

矛頭

顧愷之傳桓靈實作危語曰矛頭將米銳頭炊

三怨

利子孤即丈人曰人有三怨子知之乎爵高者人妬之官大者士惡之祿厚者怨逮之

九

流

漢藝文志孔子既沒諸弟子各編成一家之言凡為九流

市鉗

漢楚元王傳申公曰醴酒不設楚人將鉗我于市矣

力士鎗

李白詩舒州杓

力士鎗李白與爾同死生

玉溪

端氏○案新樂府水調歌頭注云賦德新王丈玉溪溪在松高賈莊兩山絕勝處也與詩中詩翁松三語意合而諸刊本題下並有小注端氏

二字第端氏屬河東南路澤州豈別一玉溪耶

邂逅詩翁得勝遊煙霞真欲盡松丘玉溪如此不一到今

曠然消百憂林影蒼茫開霽曉岸容瀟灑帶新秋酒材已辦
須君釀要及西風入釣舟

華不注山

濟南作

元氣遺形老更頑孤峰直上玉孱顏龍頭突出海波沸鰲足
斷來天宇閑齊國伯圖殘照裏謫仙詩興冷雲間乾坤一劍
無人識夜夜光芒北斗殷

岳解元生日

邦獻○案日當作子本集十卷有岳家千里駒詩續編有岳邦獻壽詩

天日晴明見岳時只君消得謫仙詩鶯花到處供杯酒霜雪
何緣點鬢絲已辦紫雲新活計又添驥子好男兒扶風里社
他年看闢簇靈椿桂五枝

紫雲

唐詩紀事杜牧分務洛陽李愿罷鎮閑居聲妓豪侈高會朝客杜問李云聞有紫雲者就是李指之杜曰名不虛得宜以見贈也

感興

夜宿讀書山作

倚梯從昔望煙霄七葉何人竟珥貂道路常教車歷鹿功名
惟有鬢飄蕭勤如韓子初無補晚似馮公豈見招五十三
年等閒裏一窗風葉雨瀟瀟

七葉

宋史恩倖傳七葉珥貂見崇漢室

韓子

韓愈解業精于勤荒于嬉

馮公

史記馮唐傳武帝立求賢良舉馮唐時年九十餘不能復為官

乃以子遂為郎

晨起

壬寅正月九日

鐙火青熒語夜闌柴荆寂寞掩春寒歡悰已向杯中減老態
何堪鏡裏看多病所須惟藥物一錢不直是儒冠掣鯨莫倚
平生手只有東溪把釣竿

多病

少陵句

一錢

漢灌夫傳生平數掣鯨上未掣鯨魚碧海

掣鯨

杜甫詩或看翳翠蘭若

送周帥夢卿之關中二首

狼籍麻衣見酒痕憶君醉別柳邊邨離愁擾擾理還亂來事

悠悠誰與論瘴海漸添春浪闊冰崖惟覺暮煙屯人間底似
三峰好箭筈通天有一門

酒痕

韓偓詩惜春連日醉昏
昏醒後衣裳見酒痕

箭括

少陵句

風華漠漠水迢迢長記金鞍入灞橋鬢鬢而今滿霜雪羽毛
此日是雲霄火餘函谷青猶峙春動長陵紫未消射虎南山
付公等可能仙掌不相招

羽毛

杜甫詩萬古
雲霄一羽毛

射虎

李廣事見
漢書本傳

感事

本集三十八卷開闢眞寶序云與定初以詩文見開闢公若以爲可教
當有所成獎借過稱旁有不平者宰相師仲安班列中倡言謂公與楊

禮部之美雷御史希顏李內翰欽叔爲元
氏黨人公不之卹也案詩意正指此事

舐痔歸來位望尊駸駸雷李八平吞飢蛇不計撐腸裂老虎
爭教有齒存神聖定須償宿業債家猶足褫驚魂且看含血
曾誰嘆猪鬣關頭是鬼門

砥痔

莊子秦王有病砥痔者得車五乘

猪鬃關

鐵圍山叢談熙寧間東平有名士王覺亮者喜名貌人後反為人號作猪鬃關世謂野有猪鬃

關自此始

十月二十日雪中過石嶺關

老天黯慘入平蕪朔吹崩奔萬竅呼雪意旋裝行路景詩家
新有八關圖地爐圍坐慙田父絮帽衝寒怨僕夫故國煙花
重迴首蜀橙山麝記金壺

將上書莘國幕府感懷呈賈明府

史胥鼎傳興定元年正月拜平章政事封莘國公

賈明府已見八卷

兵家世不乏小杜風鑒今誰如老龐自許奇謀傾幕府不妨
幽夢落篷窗驚鳥繞月枝難穩羸驥嘶風氣未降愛惜平生
請纓手一簔休憶弄秋江

小杜

唐本傳牧為人剛直有奇節自負經濟材略敢論大事其通古今善處成敗人皆不及注錄武子十三篇

老龐

襄陽記諸葛孔明為臥龍龐士元為

鳳雛司馬德操為水鏡皆麗德公語也
統德公從子少未有識者惟德公重之
羸驥晉桓溫傳歌曰老驥伏櫪志在千里烈士暮年壯心不已請纓見
傳終軍

春寒

草木荒城屋數椽春寒間巷益蕭然
僮奴樵爨頭如葆稚女跳梁履又穿
白石鯉魚空尺半朱門食客自三千
松枝塵尾山中滿去去南華有內篇

頭葆

漢書燕王旦傳當此之時頭如蓬葆勤苦至矣

鯉魚

寧戚歌滄浪之水白石粲中有鯉魚長尺半黃腹上且休息我將捨汝相齊國

卽事

商帥國器見免從軍

逋客而今不屬官住山盟在未應寒
書生本自無燕領造物何嘗戲鼠肝
會最指天容我懶鳴夷盛酒盡君歡
到家慈母應相問為說將軍禮數寬

燕領

後漢班超傳虎頭燕領飛而食肉萬里侯相也

會最

已見五卷注

鳴夷

揚雄酒箴鳴夷滑稽腹大如壺

禮數

杜甫詩自識將

軍禮
數竟

示懷祖

中州集崔遵字懷祖北燕人父建昌字曼卿大定二十五年進士仕至武安軍節度使事懷祖事繼母孝與人交有終始遲重少語

未嘗及人短長少日在太學有賦贊南渡後不就舉遷居崧山二十年課僮僕治生生理亦粗給前輩如趙吏部子文張左丞信甫馬亳州叔獻或懷祖丈人行皆與之詩酒相往來懷祖喜賓客有蘊藉從容文雅使人久與之處而不厭也嘗有寓少林詩云青山已有十年約小雪又為三日留其他往往稱是○歸潛志崔遵字懷祖燕人父建昌萬卿名進士懷祖少其詞賦聲所交皆名士屢舉不第南渡輟科舉不為居崧山下以讀書作詩為事正大未北兵入河南懷祖為兵所屬令往招洛陽見殺○本集十卷追錄之二又續編寄英禪師詩城中崔夫子老筆難盡家無儲石儲氣壓風騷壇注云遵字懷祖北燕人並是

憔悴經年臥澗阿囊中無物只詩多自驚白鬢先潘岳人笑
藍衫似采和狗盜雞鳴皆有用鶴長見短果如何乘閑便作
歸田賦付與牛童扣角歌

狗盜雞鳴

孟嘗君事見史記

鶴見

莊子鳥脰雖短續之則長鶴脰雖長斷之則悲

示崔雷詩社諸人

一寸名場心已灰十年長路夢初回江山自許供詩筆糜粥
猶能到酒杯賣劍買牛真得計腰金騎鶴恐非才游從肯結
雞豚社便約歲時相往來

糜粥

宋范仲淹傳依戚同文學晝夜不息冬月
患甚以水沃面食不給至以糜粥繼之

宏州贈曹丈子玉

邱園舊憶詢幽仄裘褐今聞識姓名故國衣冠有遺老歲寒
松柏見交情寄書千里空頭白握手一盃俱眼明來往襄陰
從此始剽將歌笑慰生平

裘褐

莊子後世之魁者多以
裘褐爲衣以踐躋爲服

和仁卿演太白詩意二首

蕭蕭窗竹動秋聲紫極深居稱野情靜坐且留觀衆妙還丹
無用說長生風流五鳳樓前客寂寞千秋身後名解道田家

酒應熟詩中只合愛淵明

紫極

焦集賢撰仁卿文集序云先生北渡後隱于崑山又之太原平定元氏流離顛沛未嘗一日廢業案紫極云者當即衍洞淵算法事

衆妙老子

又元衆
妙之門

蕭蕭窗竹動秋聲
簷間白雲澹以成
白雲朝飛本無意
白雲暮歸如有情
淵明太白醉復醉
季主唐生鳴自鳴
四十九年堪一笑
昨非今是可憐生

季主唐生

見史記
日者傳

燕府白兔

哀紀正大元年正月庚子邠州節度使孫勣充納阿卜貢白兔詔縱之本土○歸潛志楊之美應制白兔詩光搖玉斗三千丈

氣傲金風
五百霜

仙穎迷離望莫攀
爭教失脚下高寒
吸殘灝露瑤窗曉
搗盡元霜玉杵閑
顧影乍疑雲外見
寫生何似鏡中看
褐衣擾擾皆三窟
幾在祥經咳唾間

元霜

神仙傳雲英詩云一飲瓊漿百感生元霜搗盡見雲英

梁都運亂後得故家所藏無盡藏詩卷見約題詩同

諸公賦

本集十卷梁秘忠詩注時都運丈已下世三十九卷寄耶律書梁都運斗南郎此。湛然集用梁斗南韵詩丁年學道道難成

卻得中原浪播名否德自慚調鼎微才不可與機衡誰知東海蒼南好向南陽起孔明收拾琴書作歸計玉泉佳處老餘生。無盡藏詩誰開天地秘密藏今古人間用不窮眼尾搖光千丈月耳根傳響一溪風勝游赤壁文章在高臥燕山氣象同二老風流渺何許後生猶可畫園中注云梁斗南所藏畫。秋澗集跋梁中憲無盡藏手卷四首人物風流管永和一聲嘯咏百年歌邈邈來水檻中台宴更比當時樂事多長橋春露濕吟鞋共警時思休惕實只為一終天理在晚蒼何有百花崖鐘鼓山林窮勝事衣冠章杜似樊川一門顯允稱多士野老猶能說定年馬頭旌旆八州行劍佩鏘鏘帝京特就房山崑崙月百花潭水濯冠履再題月白風清世不知園林鍾鼓想當時竟堂此日南陔樂又見肩輿拜慶詩口水郎山南露青江山如畫見橫陳世臣裔水千年事長配先生德日新又跋梁斗南先生無盡藏手軸云昇平豪富林泉主白髮歸來一幅巾世與士安壽國計誰云開府是詞臣江頭宮殿千門暗物外雲烟萬古春休向諸郎訪餘事青山依舊是比鄰又云山勢沈雄斗極邊源江東風玉為淵停雲暗停思親望綉帶香翻上冢船山色水光無盡極竹風松月共清妍千年山立梁中憲長與坡仙共一天

飛亭四望水雲寬亭上高人杳莫攀已就湖山攬奇秀更教

鄉社得安閑風流豈落正始後詩卷常留天地間勝賞休言隔今昔肩吾新自會稽還

風流二句

已見前
桐川詩

肩吾

李賀還自會稽歌序庾肩吾于梁時嘗作宮體詩引以應和臯子及國勢淪敗肩吾先潛難會稽後始還家僕

意其必有遺文今無得焉故作以補其悲

出都

地志中都路
元志大都路

漢宮曾動伯鸞歌事去英雄可奈何但見觚稜上金爵豈知荆棘臥銅駝神仙不到秋風客富貴空悲春夢婆行過盧溝重迴首鳳城平日五雲多

伯鸞歌

梁鴻五噫歌防彼北邙兮噫願瞻帝京兮噫宮闕崔嵬兮噫民之劬勞兮噫遼遼未央兮噫

秋風客

李賀詩茂陵劉郎秋風客

盧溝

章紀明昌三年三月盧溝石橋成勅命名曰廣利

歷歷興亡敗局基登臨疑夢復疑非斷霞落日天無盡老樹遺臺秋更悲滄海忽驚龍穴露廣寒猶想鳳笙歸從教盡刻

瓊華了留在西山儘淚垂

萬寧宮有瓊華島絕頂廣寒殿近爲黃冠輩所撤

瓊華

新樂府九日同燕中諸名勝登瓊華故基倚南鄉子云樓觀鬱嵯峨瓊島烟光太乙波直見銅駝荆棘摩挲前度劉郎淚更多勝日小婆娑欲賦無城奈老何千古廢興渾一夢從他且放雲山入浩歌。陳時可長春真人本行碑壬午之明年春住燕京大天長觀繼而行省又施瓊華島爲觀丁亥五月有旨以瓊華島爲萬安宮案注中黃冠所撤指此

癸卯望宿中霍道院

疊嶽沈沈轉素蟾長松栩栩擁高簷湖山已爲新晴好風露還疑此夜添身外作緣良自苦世間除睡更無甜溪堂借宿從今始便約兒童具米鹽

甲辰三月旦日以後雜詩三首

應接紛紛又浹旬枉教虛負杏園春尋芳自分無閑日載酒寧知有故人花柳得時俱作態川原經雨更無塵憑君莫惜尊前醉看卽春梅入座新

潑潑猩紅鬧曉晴攢頭真似與春爭
舒開楊柳聊相映瘦殺寒梅枉自清
粉豔低回工作態絳唇寂寞獨含情
畫圖只愛殘妝好未信徐郎解寫生

密霧輕塵細洒勻綠雲紅雪一番新
風光爛漫供歡席酒味清醇似主人
落落湖山如有喜欣欣魚鳥亦相親
新詩寫入奚奴錦從此他鄉不算春

奚奴錦

唐李賀傳每日出騎弱馬從小奚背古錦囊遇所得書投囊中先未立題及暮歸足成之

紫牡丹三首

金粉輕粘蝶翅勻丹砂濃抹鶴翎新
儘饒姚魏知名蚤未放黃徐下筆親
映日定應珠有淚凌波長恐韞生塵
如何借得司花手徧與人間作好春

夢裏華胥失玉京小闌春事自昇平
只緣造物偏留意頻信

几花浪得名蜀錦浪淘添色重御爐風細覺香清金刀一折
腸堪斷綠鬢劉郎半白生

天上真妃玉鏡臺醉中遺下紫霞杯已從香國徧薰染更惜
花神巧剪裁微度麝熏時約畧驚移鸞影卻低回洗妝正要
春風句寄謝詩人莫漫來

與同年敬鼎臣宿順天天寧僧舍

吳澄草廬集春秋備忘序
先生諱鉉字鼎臣易水人

興定五年進士主郊城簿改白水令北渡隱處國朝宣授中都提舉學校
官舊讀書大寧山下號大寧先生。本集寄耶律書易水敬鉉。地志中
都路係州
順天軍

蕭蕭風雨打僧窗耿耿青燈對客牀每恨相望隔關塞豈知
連日醉壺觴萍蘆味薄堪長久茅屋寒多且閉藏三十餘年
老兄弟此回情話獨難忘

萍蘆

晉石崇傳崇爲客每冬作韭
萍蘆是搗韭根雜以麥苗耳

元集卷九

贈荅樂丈舜咨

中京副留守。新樂府有同樂舜咨郎中夢梅蝶戀花詞。本集奇耶律書武安樂嘆

舟車何地得通津書疏相忘意更親但愛栢臺推峭直豈知
梅賦更清新兩都秋色皆喬木耆舊風流有幾人詩酒陪從
約他日雞川已許濯纓塵

栢臺

六帖御史大夫曰栢臺

梅賦

皮曰休桃花賦序云宋廣平為相剛能毅狀疑其熾心石腸不辭吐婉媚詞及觀其梅花賦清便富麗得南朝徐庚

體殊不類其為人也

都運李丈哀挽

有之。歸晉志宣宗喜刑法政尚威嚴南渡之在位者多許刻李使特立有之號半截劬。積夷堅志李都

運有之高戶部唐卿趙吏部延玉讀青永平一山寺題片桃樹一枝作花大金竭集其上又竹林出一篇因名所居為三秀軒後三人皆登上第極品。本集內相碑李

都運有之之更能

平日剛稜觸禍機老年天遣故鄉歸登車攬轡名空在濯足

臨流事已非白鶴會須尋舊約青蠅猶解避餘威

李丈歿于壬寅夏六月異香滿

室三日西州正有花千樹淚盡羊曇醉後衣

登車

後漢范滂傳登車攬轡慨然有澄清天下之志羊曇西州門事見謝安傳

贈答郝經伯常伯常之大父余少日從之學科舉元

類盧摯翰林侍讀學士郝公碑公諱經字伯常郝氏自潞徙澤之陵川壬辰之變靜直君流寓燕趙間公年十餘歲沈塞靜重狀兒環奇為學凡五六年刻勵抗腹嘉河而直廉粟而輝涵濡積累日殊月異擢芳雋腴充而足之派源洙泗以肩周程雷風斯文陶冶當世慨然以為已任山峙川駛天游神遇屹乎莫移浩乎莫禦變化莫測矣既冠順天道左副元帥賈公輔一見待以國士萬戶張蔡公柔館公帥府張賈子弟皆從質學○陵川集原古上元學士詩云作噩建子月投我以照乘當即指此詩也

故家珠玉自成淵重覺英靈賦予偏文陣自憐吾已老名場
誰與子爭先撐腸正有五千卷下筆須論二百年莫把青春
等閑了蔡邕書籍待渠傳

蔡邕

三國志王粲傳邕見粲曰此王公孫也有異才吾不如也吾家書籍文章當盡與之

呂國材家醉飲

世事悠悠殊未涯七年回首一長嗟虛傳庾信凌雲筆無復

張騫犯斗槎去國衣冠有今日春風桃李是誰家螺臺剩有
如川酒釐爲紅塵拂鬢華

斗槎

宋之問詩氣有冲天劍星無犯斗槎

洛陽

案中州集雷希顏有洛陽同裕之欽叔賦詩而先生此詩非和作

千年河岳控喉襟一日神州見陸沈已爲操琴感衰涕更須
同輦夢秋衾城頭大匠論蒸土地底中郎待摸金擬就天公
問翻覆蒿萊丹碧果何心

操琴

孟嘗君事見史記

同輦

李賀歌臺城應教入秋衾夢同輦

蒸土

晉載記赫連勃勃傳以叱干阿利傾將作大匠營起都城阿利性殘

忍乃蒸土築城雖八一寸卽殺作者而并築之

中郎

初白云摸金校尉非中郎也東坡誤用先生仍而不改

過三鄉望女几邨追懷溪南詩老辛敬之二首

案此爲先生北

渡後重過

河南作

雲際虛瞻處士星案頭多負讀書螢筆端有口傳三篋石上

無禾養百齡從昔葛陂終變滅祇今韓嶽漫英靈因君重為

前朝惜枉破青衫買一經

女几山土人謂之韓岳

三篋

漢張安世傳武帝幸河東嘗亡書三篋詔問莫知惟安世識之具記其事

百齡

盧全詩百齡不厭

韓嶽

中州集辛敬之

送裕之往許州云爽氣虛韓岳文星照許昌

萬山青繞一川斜好句真堪字字誇棄擲泥塗豈天意折除

時命是才華百錢卜肆成都市萬古詩壇子美家欲就溪南

問遺事不禁哀涕落煙霞

萬山

中州集敬之傳注三鄉光武廟詩云萬山青繞一川斜到其處知為工也

百錢二句

已見八卷詩辛詩

哀涕

韓愈題蕭郎中

舊堂詩中郎有女能傳業伯道無兒可保家偶到匡山曾住處幾行哀涕落煙霞

為鄧人作詩

再見州人本不期相留相挽忍相違攜盤渭水空流涕種柳

金城已合園事去恍疑春夢過眼明還似故鄉歸題詩未要

題名字今是中原一布衣

贈張主簿偉

江岸墳荒草棘秋朱陽南下重君憂弓刀近塞人煙少林壑
經霜虎迹稠究竟畏途知有漸激昂高義報無由從今弟姪
通家了莫向瓜田認故侯

戒爲究竟伴
能過險惡道

朱陽

地志京兆路
號州朱陽縣

望盧氏西南熊耳嶺

不到中鄉十五年忽驚行色是盧川已占介福歸王母未信
羈魂似粵阡

柳文

時爲顧存慙吏報

先夫人墓亂後故
吏輩歲時致祭

偶成期會殆

天憐

馬范二師遠在千里外
予往盧氏皆得會面

荒林破屋江聲裏坐想孤城一泣然

寄劉繼先

靜修拾遺先世雜事記君諱述字繼先金泰和七年七月九日
生六歲值貴祐之變從親南渡君早有大志穎悟絕人十六七

棄舉子業二十六遭壬辰革命飢險備嘗北渡至安平二親渾興舊母病
篤先生護柩扶疾重至鄉土田園盡非我有環堵蕭然宴如也

學大難之後無書可讀求訪百至十年之間天文厯數陰陽醫方之書無不通性學史學尤所喜者其書皆手所臚錄往來燕趙間交游皆父行之天下名士時耶律中令君執政翰林承旨王公百一以名士薦之中令欲用而不就後至順天隱居教授杜門絕交萬事置之度外惟以教子爲事曰始予四十未有子嘗語人果無子則已若有子必令讀書我今教子亦將以成吾之志而已性不喜酒好長嘯游易州諸山當秋風木落之下危坐終日時作一曲其聲雖冲澹蕭散而其慨然之所不能忘者亦時見之然其竹冠葛服雍容樂易人謂又有真隱之風焉先生平日明于藻鑑或評論人物或指明事體或推究世變必待其驗而後服中左三部尚書劉公才卿辟爲武邑令未幾以病辭居真定之北潭至元四年九月還順天明年十月十二日病革明日卒于客舍六年十月二十五日葬于容城縣溝市里之西原○張子和儒門事親商水縣白堤酒監單昭信病瘵逝世此邑劉繼先命予藥之或是○本集二十三卷楊與碑云君初蒞政招致名勝如太原劉繼先等

清霜茅屋耿無眠坐憶分攜一慨然楚客登臨動歸興謝公
哀樂感中年淒涼古驛人煙外迤邐荒山雪意邊千樹春風
水楊柳待君同繫晉溪船

中年

世說謝太傅語王右軍曰中年傷
于哀樂與親友別輒作數日惡

寄楊弟正卿

名臣事略參政楊文獻公名果字正卿祁州蒲陰人金正
大初登進士第國初爲河南諫校及經略司幕官中統元

年拜北京宣撫使明年入拜參知政事至元六年出爲懷孟路總督其年
歲年七十三又王文康集云公性聰敏爲人無所不能尤長于樂府幼夫
估情從人南渡崎嶇轉軻十餘年自宋還毫自毫遷許昌以教讀爲業正
大甲申擢進士第會參政李蹇行大司農于許公以詩送之李大嗟賞歸
言于朝舉偃師令到官數月以廉幹稱改令蒲城陝縣皆號繁劇而公優
爲之方將書考上下而陵谷變遷矣歲已丑楊公奏徵收河南課稅起公
爲經歷官繼而萬戶史侯經略河南復爲參議公于草創之際俱稱辦事
未幾朝廷設十道宣撫以公使北京中書省立拜參知政事公外若沈默
內藏諸用其所裨益爲多及例罷猶詔與左丞姚公日赴省議事至元已
已出守懷州公時七十有三矣又楊叔能事言補云楊正卿爲人美風姿
尚詞翰遊亂河南草娶子歸旅中爾後登科歷職遂與之偕老比之時人
有一弟無罪出數妻必欲富貴而有貌者嗔呼君子哉正卿○秋間集碑
陰先友記楊果字正卿蒲陰人詞賦第歷劇縣皆有能聲文采風流照映
一世拜參知政事終懷孟路總督又紫溪嶺詩跋云昔杜止軒告子云楊
西庵談諧俠黠之雄者也世人不知其然不肖何有竟負天下滑稽之名
楊何深而僕何淺也○中州集李平甫贈詩云士道彫喪愁天公陰霾慘
慘塵濛濛三冬不雪春未雨野桃無恙城西紅春光爲誰作駘蕩造物若
我哀龍鍾數行點淚合悲死一包開氣終身窮中山公子交遊雄雅隨童
子爲雕蟲所薄不遇孔文舉坡老懶事陳元龍唯之與阿將毋同乾坤萬
里雙飛蓬飄飄南北東西風○河汾詩陳子慶寄陝郡楊正卿西庵詩
川堂上看飛鶴十載西州一轉蓬親老家貧初有累才疎意廣本無功
雄頭忌孔文舉富貴何如張長公滿地塵埃浮世欲一帆恩寵不問風還
客形容國士心春風鶴髮不勝簪鍾饒去楚衣冠異王粲依劉歲月深
晚艱危無短策酒酣悲壯動長吟遙憶蘭省楊夫子一紙書來意未平

名儒草堂詩餘西庵楊正卿太常引詞二闕。本集十卷感寓詩二十三卷廉訪碑蒲陰楊正卿三十九卷寄耶律書中山楊果。文淵閣書目月字號西庵樂府一冊缺

馬迹車塵漫白頭蒼生初不待君憂且從少傳論中隱儘要

元規擁上流東閣官梅動詩興洞庭春色入新筓歸程未覺

西庵遠夜夜清伊繞石樓正卿西庵以名酒甲洛中嘗賦觀張詩有狂瀾竟逐西風落依舊清溪繞石樓之句故兼及之

中隱白居易詩大隱在朝市小隱在邱樊不如作中隱隱在留司間東閣少陵洞庭蘇集安定郡王以黃柑釀酒謂之洞庭春色

為鮮于彥魯賦十月菊追錄。中州集鮮于溥字彥仁宋臣之駿之後高祖淳淳之子孝標孝標之子壽吉

壽吉之子坦皆擢進士第而仕亦運彥仁坦之子以門資仕終于樂陽令濟源盤谷天壤佳處坦父子居其間飲酒賦詩儼然塵垢之外至今人以高士目之弟彥魯子忠厚今居鄉里。金水集十月菊得深字詩地偏開較晚風動可能禁雨漬金英淺寒添紫帶深抱葉無脫蝶窺疏有貞禽留待飄零後梅

花約重尋

清霜浙浙散銀沙驚見芳叢閱歲華惜煖定誰留翠被鍊顏

應自有丹砂秋香舊入騷人賦晚節今傳好事家不是西風

苦畱客衰遲久已避梅花

贈答同年敬鼎臣

四海屏山放一頭爭教塵土走東州長身奉米侏儒飽束髮
從君^軍妄尉侯千首新詩工作祟百壺清酒未消憂悠悠世事
今如此付與煙波著釣舟

妄尉侯

案漢書諸妄校尉注妄凡也俗本作妄誤中州集郎律
履詩一戰得侯輸妄尉長身飽侏儒先生句本此

寄英上人

世事都銷酒半醺已將度外置紛紜乍賢乍佞誰爲我同病
同憂只有君白首共傷千里別青山真得幾時分相思後夜
并州月卻爲湯休賦碧雲

湯休

僧惠休詩日暮碧雲合佳人殊未來

寄答仰山謙長老

渠住招隱

木庵推出謙書記乞與雲林百自由想得驅驢入招隱勝於
騎鶴上揚州衆狙皆喜芋初熟一鳥不鳴山更幽日暮王城
市聲合松風亭上莫迴頭

九日登平定湧雲樓故基樓卽閑閑公所建

淦水集湧雲樓記云

大安二年夏四月予來茲平定登城樓而樂之控古榆關下建下丈旗表
以五筵廣三之二窺戶軒豁俯瞰閭閻旁引重山復嶺之阻左扼土門右
控大鹵太行接之群山迤之道京師而來歷汾晉接秦隴走雲代商旅絡
繹使騎旁午車摧馬頽日不半舍使人目寒而足慄淒然有去國之悲泉
落之山晉陽之泊廣陽之故道井陘之故關地古天荒巖巖深樹老使人心
折而骨悲黯然有懷古之思若乃烟容雨態倏忽明晦欄檻半晴野無完
塊雌蜺半空雄風千里絲絡以清郊廛汗泚秋空月明飛光破檻爾屋穿
漏我居蓬瀛雪漲千山北風其寒我竄而溫爾樓其單焉子斯咏子斯會
賓友于斯其亦有思乎古之君子內淵靜而外昭曠淵靜則悔吝不生昭
曠則不蔽于物其于居室也亦然寢奧之處淵如也高明之居曠如也淵
靜所以存神昭曠所以知政靜以養恬動以應物萬變之來了然吾胸中
而不惑茲曠也祇其所以爲達與又湧雲樓雨詩○敬齋古今鞋云歐陽
永叔教子裴書曰藏精于晦則明養神于靜則安晦所以蓄用靜所以應
物蘇子瞻上哲宗書云古之聖人將以有爲必先處晦而觀明處靜而觀
動則萬物之情畢原于前近世趙吏部
周臣作平定湧雲樓記全用歐蘇語意

詩翁曾此宴重陽老樹遺臺認醉鄉流水浮生幾今昔高秋
雲物自淒涼飛來野鶴聊堪喜望隔長鯨又可傷賴是風流
未全減白頭門客有王楊

時王無咎楊子昭在
坐公在郡門生也

平定鵲山神應王廟

河朔訪古記扁鵲廟碑在湯陰縣東南二十里
伏道村村之道左一碑一碑教授張仲文撰題曰神

應王扁鵲之墓其廟併在墓側廟有二碑一碑太中大夫江南浙西道提
刑按察使武安胡祗適撰墓旁生艾治疾為天下第一今每歲充貢云廟
壁有左司劉昂題詩一首曰昔為舍長時方役未可錄一遇長桑君古今
皆與服天地為至仁既死不能復先生妙藥石起死效何速日月為至明
覆盆不能燭先生具正眼毫釐窺肺腑誰知造物者禍福俱倚伏平生活
人手反受庸醫辱千年廟前水猶作上池綠再拜乞一杯洗我胸中俗宋
仁宗景祐元年九月詔封扁鵲為神應侯因上疾愈從醫者許
希有之請今日神應王未詳何代所封也。又見宋史文苑傳

古柳輪囷欲十圍鵲山祠廟此遺其萬金良藥移造化老眼
天公誰耦畸已為養生誣單豹不應遭網廢元龜半生磊砢
澆仍在擬問靈君乞上池

良藥

漢霍夫傳夫身中大創十餘
適有萬金良藥故得不死

單豹

莊子豹養其內而虎
食其外注單豹也

寄答商孟鄉

窮渺朱絃寂寞心得詩何啻得黃金冷猿挂夢山月暝老雁
叫羣江渚深異縣五年仍隔濶荒城連日想登臨書來且只
平安了撥觸離愁恐不禁

答石子章因送其行

石梁詩好先知名尊酒相逢意自傾寶劒沈埋惜元振鐵檠
豪宕見胡鉦藍田月出多重暈豐嶺霜餘卽大鳴後日天山
望征騎燕鴻歸處是雲程

元振

唐詩紀事代人郭元振尉通泉任俠使氣武后知其所爲召詰之既與語奇之

索所爲文章上寶劒篇后覽嘉之詩云君不見昆吾鐵冶飛炎烟紅光紫氣俱
赫然良工鍛鍊凡幾年鑄得寶劒名龍泉又云何言中路遭棄捐零落漂淪古獄邊雖
復塵埋無所用猶能夜夜氣衝天後以功封代國公明皇誦武驪山坐千壽下流新州

胡鉦

唐胡鉦傳裴晉公未顯時羸服私飲爲武士所窘鉦聞突入客坐上引觥三酌
客皆失色因取鐵鎗槊葉標合其跗橫膝上語客曰我欲爲酒令餘不

者以此擊之諸惡少叩首請去
鉦悉墜出故時人稱其俠云

畱別仲經

來時兒女拜燈前此日壺觴是別筵聚散共知陰有數笑談
爭遣病相先秋風古道將誰語殘月長庚更可憐雞柵魚梁
一村落若爲還似浙江邊

仲經方病中故有上句

別周卿弟

河汾詩房希白辛卯生朝是鄭周卿段復之詩云靈面醺雞積有年近來霧豁見青天出言最忌談人惡入德尤宜去自賢回

也屢空趨聖殿參乎一唯得心傳佛岐老徑雖高絕不及中庸道坦然秋澗集遺安先生文集序大德庚子春有叩門自稱奉先郭良弼嚴輔撫示先世遺安先生文集請引其端子惟周卿先生天姿冲粹內守峻潔自幼力學爲健舉子中年流離不易所業少日以外孫行接際蘭泉先生所交麻段孟李諸公皆秦晉名士所可惜者連蹇塲屋不遂一第待謀省幕道弗大行杜仁傑善夫集中秋宿普照喜周卿至詩云久客厭孤寂然聞子來夜海風羅縠雲破月徘徊舊事休重說新詩且細裁幾年無此夕獨欠兩三盃案本集二卷有別李周卿詩二十一卷御史表文士李周卿似卽一人而此詩別卿弟及三十七卷靈泉序之周卿皆不著姓故引河汾秋澗之郭周卿并善夫集之周卿並錄以俟

晚歲論詩辱見收相從許久重相畱苦心亦有孟東野眞賞
誰如高蜀州萬疊寒雲度歸雁孤洲春水澹沙鷗荒城後日

思君處風色蕭蕭入白頭

高蜀州

杜甫追酬故高蜀州人日見寄序云開文書帙中檢所遺忘因得故高常侍適往居成都時任蜀州刺史人日相憶見寄詩淚洒行間讀終篇未自

枉詩已十餘年莫記存歿又六七年矣

寄叔能兄

星斗龍門姓字新豈知書劍老風塵
郎君未省曾開閣王翰何緣得買鄰
銀燭對談辭館夜雪梅同醉浙江春
祇應千里東州月處處相逢卽故人

郎君

李商隱詩郎君官重施行馬東閣無由得再窺

王翰

杜甫詩李留求識面王翰願爲鄰

賀威卿徐弟得雄

利市金錢四座俱阿卿新喜到充閭
跨牛楊朴空顛酒秣驥王良已問途
桂出孫枝知秀發鳳離丹嶠亦舒徐
明年別作飛黃句來賀君家第二雛

充間

蘇軾詩集卷九佳氣夜充
問來賈君家第二雜

元遺山詩集箋注卷九終

元遺山詩集箋注卷十

烏程

施國祁北研箋

蔣炳枕山校

七言律詩

追錄洛中舊作

樂府新聲綠綺裘
梁州舊曲錦纏頭
酒兵易壓愁城破
花影長隨日脚流
萬里青雲休自負
一莖白髮儘堪羞
人間只怨天公了
未便天公得自由

纏頭

杜甫詩笑時花近
眼舞罷錦纏頭

東園晚眺

東平。九卷出東平詩云東園花柳西湖水本卷有同嚴
公子大用東園賞梅詩新樂府有東園醉後水龍吟詞

霜鬢蕭蕭試鐫看
怪來歌酒百無歡
舊家人物今誰在
清鏡功名歲又殘
楊柳攪春出新意
小梅畱雪弄餘寒
一詩不盡

登臨興落日東園獨倚欄

十一月五日暫往西張

地志河東北路晉州興定四年以壽陽縣西張寨置。郭文振傳請升壽陽縣西張

寨爲晉州

城隈細路入沙汀絮帽衝風日再經
歉歲邨墟更荒惡窮冬人影亦伶俜
林煙漠漠鴉邊暗山骨稜稜雪外青
四十年來此寒苦凍吟猶記隴關亭

石嶺關書所見

宋地志河東路忻州秀容縣有石嶺關案金屬河東北路

軋軋旂車轉石槽故關猶復戍弓刀
連營突騎紅塵暗微服行人細路高
已化蟲沙休自歎厭逢豺虎欲安逃
青雲玉立三千丈元只東山意氣豪

陀羅峰二首

念念靈峰四十年一來真欲斷凡緣
鑿開混沌露元氣散布

兜羅彌梵天雲臥無時不閑在樓居何處得超然殊祥莫詭
清涼傳會與茲山續後篇

每恨奇援負盛年松崖今喜入攀緣初驚靈鷲多飛石更信
金牛有漏天鄉國登臨乃如此名場馳逐亦徒然畱詩便與
香泉約起本西游第一篇

僧行平陽
僧慧太原

追懷曹徵君

見墓表

生死論交不易忘一回言別淚千行空勞結伴歸蓮社無復
題詩寄草堂楚國先賢宜有傳粵阡羈鬼漫思鄉因君錯怨
天公了且道今誰晚節昌

草堂

高適詩人日題詩寄草堂遙擬故人思故鄉

春日書懷呈劉濟川

見四卷賦山水詩

鄉社荒殘住不成無端蓬華掩柴荆流年又見東風榮樂土

空懷北斗城父老只供畱我醉兒童也喜從君行周侯見說

應相笑共隱三泉先有盟

東風菜見本草菜部

東風菜

證類本草菜生嶺南平澤莖高二三尺葉似杏而長極厚軟上有細毛先春而生故有東風之號

北斗城

三輔黃圖初置長安

城南爲南斗形北爲北斗形

周侯

卽鬱卿見後衛生方序

三泉

見下丁未寒食詩

晉溪

石磴雲松著色屏岸花汀草展江亭青瑤疊蟄通懸甕白玉
雙龍掣迅霆地脉何嘗間今昔尾閭眞解泄滄溟乾坤一雨
兵塵了好就川如問乞靈

弔岳家千里駒

見九卷解元注

蜀客淒涼土一丘後身還有化身愁靈椿丹桂偶相值蕙草
清霜寧久畱掌中玉雪恩憐在筆底雲煙取次休過眼空華
只如此不如無子却無憂

七月十二日行狼牙嶺

狼牙路滑馬伶俚老鶴超超欲上征一曲松風寫幽致九秋
雲物愴離情天開員嶠方壺境澗落銀河月窟聲覲面青山
入渠手定誰胸次玉崢嶸

十三日度岳嶺

神岳規模亦壯哉上階絕境重裴回丹青萬木秋風老金翠
千峰落照開川路漸分猶暗澹湍聲已遠更淒哀石門剩比
靈丘遠正坐登臨欠一來

神岳

劉祁游西山記東則岳神山如屏青
松翠柏間隱隱有樓觀又見李昉注

玉泉二首

劉祁游西山記又前二三里樹木叢陰中殿閣屹然四五所蓋
玉泉寺也。又云既入寺寺宇歲深且經亂多摧毀厨堂鐘閣

兩崩草翳僧寮多壞址獨萬聖殿完麗可觀殿中金碧璀璨盜目。又云
起尋玉泉泉在西南石崖下如井崖間枝溜滴漉絡繹苔上有古樹覆蔭
頗陰
肅

神岳提封入寺基上公官秩見僧碑雲藏佛屋晴猶暗樹近
禪窗老更奇竹杖只供行險易藜牀偏與望川宜同時不及
髯中令猶得泉名比鳳池

中令泉名

案湛然集和雲漢詩和德新詩題後並云玉泉書寄東林同參詩云定是玉泉生客惜答倪公云玉泉同報故人書寄光祖云爲何偏愛玉泉

詩贈景賢云玉泉珍惜玉泉琴又和云一串穿來寄玉泉寄東林云惜人不寄玉泉詩

玉水如澄古殿隅又新名第不關渠每因天日流金際更憶
風雷裂石初百里官壺分韻勝千人齋粥薦甘餘入功德具

休誇好玩景臺荒有破除

寺東北有玩景臺盡得神川之勝導者候引之荒山一尖故有二句

又新名第

書錄解題煎茶水記一卷唐涪州刺史張又新撰本刑部侍郎劉伯弼稱水之與茶宜者凡七等又新復言得李季卿所筆錄陸鴻漸水晶凡

十玩景臺

劉祁西山記云率二子登北臺臺並絕頂支峰緣崖百餘步方至

元都觀桃花

前度劉郎復阮郎元都觀裏醉紅芳非關小雨能畱客自是

桃花要洗妝人世難逢開口笑老夫聊發少年狂一杯盡吸
東風了明日新詩滿晉陽

人世

初白云
牧之句

贈張致遠

茅屋蕭蕭潁水濱兩山相望卽比鄰禪房道院畱連夜酒榼
書囊浩蕩春老鶴千年見城郭徵君晚節傷風塵相逢不盡
平生意耆舊風流有幾人

徵君

少陵
句

夜宿秋香亭有懷木庵英上人

秋香亭嘉靖河南志在唐縣
治。木庵見三十七卷詩序

兄弟論交四十年相從旬日却無緣去程冰雪詩仍在晚節
風塵私自憐蓮社舊容元亮酒藤溪多負子猶船茅齋一昔
愁多少窗竹蕭蕭耿不眠

汴梁除夜道錄

六街歌鼓待晨鐘
四壁寒齋只病翁
暑雪得年應更白
燈花何喜也能紅
養生有論人空老
祖道無詩鬼亦窮
數日西園看車馬
一番桃李又春風

與馮呂飲秋香亭

三子皆吾友之純席生

龐眉書客感秋蓬
更在京塵瀕洞中
莫對青山談世事
且將遠目送歸鴻
龍江文采今誰似

謂之純鳳翼永寧地名

年光夢已空
剩著

新詩記今夕
尊前四客一衰翁

之純

即張仲經龍江

三十七卷詩集序仲經出龍山貴族

鳳翼

又序云客居永寧

哀武子告

生氣曾思作九原
迷塗爭得背南轅
梁鴻故事要離墓
衛國孤兒祗樹園
舊說布衣甘絕脰
今傳史筆紀歸元
知君祿仕

無心在旌季終當到李源子今

要離墓

後漢逸民傳梁鴻不伯通等為求葬地于吳要離冢傍咸曰要離烈士而伯鸞清高可令相近

祇樹園

西域記舍衛國給孤獨長

者住王舍城請佛歸國佛許之歸卜勝地惟祇陀太子園堪建精舍

絕脰

說苑齊王蠋曰忠臣不事二君遂懸頸于樹絕脰死

歸元

左傳狄伐晉先軫免

胄入狄師死焉狄人歸其元面如生

李源

唐李隱傳子源痛父死難無心祿仕誓不婚娶依燈臺至今改為惠林寺祠殿乃其先窆未嘗輒踐營地為墳預以待終

贈李春卿

寶十郎家指顧間因君我亦愛西山丹房藥鏡平生了禪榻

茶煙歲月閑春簪有情供白墮秋風無力損紅顏重來已有

明年約剩破都城幾往還

禪榻

杜牧詩今日鬢絲禪榻畔茶煙輕颺落花風

白墮

伽藍記河東人劉白墮善釀酒夏日暴于日中味不變飲之經日不醒也

甲辰秋畱別丹陽

疎疎衰柳映金溝祖道都門復此畱千里關河動歸興九秋

雲物發詩愁嚴城鐘鼓月清曉老馬風沙人白頭後夜相思

渺何許山西畔是并州

龍興寺閣

石墨鵝華龍藏字碑跋云龍藏寺卽今真定府龍興寺碑尚存金趙琳瑯云余近以使事過之聞府治東二里龍興寺有古

銅佛一軀崇七十二尺閣之覆者崇百有三十尺。曠書亭集真定府龍藏寺隋碑跋略云真定府治東龍興寺隋龍藏故址也寺創于開皇六年恒州刺史鄭國公金城王善信立石齊開府長兼行參軍九門張公禮讓文流傳宋太祖會幸其地寺重建於乾德元年龍興之額所由更也今入門有殿北關五層廣九楹崇十有三丈土人目爲大佛寺。楊雲鵬陶然集真定龍興寺閣詩插天飛構鬱嵒欄角濤聲轉暮河孤鳥去邊澹渚闊落霞明處碧山多傷時未遂陳三策弔古猶堪賦九歌安得天丁挽天漢倒傾京洛洗干戈。劉因靜修遺詩登鎮州隆興寺閣詩太行鉉甲插晴空層樓一夕蟠白虹天光物色驚改觀少微今在青雲中初疑平地立梯磴清風西北天門通又疑三山浮海至載我欲去扶桑東雲華寶樹忽當眼拍肩愛此金仙翁金仙一夢一千載應擲變化天無功萬象繞口恣噴吐坐令四海皆青髯千池萬沼盡明月長天一碧無遺蹤我生元感非象設此眼此臂將安庸海岳神光埋禹鼎人間說惟何由窮金天月猶猶猶國玉毫萬丈須彌峰一杯徑欲呼與語爲我返駕隨西風堂堂全趙思一豁江山落吾心胸中原左界此重鎮形勢彷彿餘兵衝歌舞遺臺上花碧旗幟西山霜葉紅乾坤割萬古烏爲蟻蟻爲誰雄潯水悠悠自東注落日渺渺明孤鴻。陸天錫集卷之四陽龍興寺閣觀銅鑄觀音像眼中樓觀見塵稀蠲恩釋蒼勢欲飛天半寶花飄開道月中桂子落僧衣商鞅玉露仙人掌上碗飯河橋女機全趙空堂遺物在山川良是昔人非

全趙堂堂入望寬九層飛觀儘高寒空聞赤幟疑軍壘眞見
金人泣露繁桑海幾經塵劫壞江山獨恨酒腸乾詩家總道
登臨好試就遺臺老樹看

別緯文兄

本集刻張公墓表云二姪經緯皆有聲場屋間癸卯秋某客
燕中緯以世舊之故徵銘于某又感寓詩張兄注云緯文又人
日有懷思濟張兄緯文詩又得書詩又上梁文注云張緯文留滯燕京又
寄耶律齊太原張緯文又新樂府有別緯文張兄浣溪沙詞。案先生癸
卯秋爲此文作墓表是冬卽還
太原故有此別定爲癸卯作

玉壘浮雲變古今燕城名酒足浮沈眼中誰復承平舊言外
驚聞正始音異縣他鄉千里夢連枝同氣百年心行期幾日
休相問觸撥羈愁恐不禁

玉壘

初白云
少陵句

甯掾端甫北上

元張立道傳與侍郎甯端甫使安南。秋潤集熙春阮
賦序云元暉上人得隆德故閤餘材改而爲阮因以熙
春月之亦文殊之義至元戊寅甯尹端甫劉御史叔謙趙太保彥伯坐心
遠軒爲鼓流水悲風之曲有愴于懷請予賦之又送宣慰東平詩滿酒風

神見德隅走趨知不利長裾老諳所事無多味却覺閑官是美除恩詔才離溫室樹甘霖先沛太山墟靈陵山色溪堂月剩有詩來當尺書

馬頭風雪遠相迎
颯沓弓刀四十程
自是青雲動高興
未甘白髮老諸生
書來沙漠燈花喜
夢到秦川煙樹平
長句送君還自媿
半山已有雁飛行

答定齋李兄

見八卷

小山叢桂姓名香
舉世何人得雁行
滄海揚塵幾今昔
長庚配月獨淒涼
虛勞裴相求白傅
正倚源明識漫郎
十載相從未言晚
城南泉石有雲莊

白傅

唐裴度傳度除第東都名堂曰綠野與白居易劉禹錫酣宴終日

源明

又元結傳舉制科蘇源明薦于肅宗召問上時議三篇

空山何巨川
虛白庵二首

陵川集虛白庵詩云郭柏太素朴構庵萬物表不礎亦不楹曠蕩含幽杳中有

無名公獨立何矯矯神存一室固心死萬化了下視人間世汗濁驚擾擾客氣賈餘勇浩然還自小紋鋪裴血肉珠璣裝口口金宮壓地軸玉藕飛雲杪一朝等黃土閱世急飛鳥何如此庵中振古一昏曉白雲滿霜樹老月涵風篠此色與此界味者恒背遠苟能反身觀捷徑明瞭瞭無欲觀其

妙有欲觀其貌即知此庵中眼界闊多少。秋澗巢隱何鍊師巨川虛白庵詩西風吹下鏡湖船來作虛山遊世仙採藥遠辭滄海上結茅歸老白雲邊鑑光應物元無物素質能言本不言莫遣碧桃溪畔水暗香流出洞中天鵬雲蹤跡若垂天收歛都歸一室間塵境夢空祥已止松巢枝穩鳥知還潭心印月春無跡谷口橫雲意自閑想得翠蘿幽隱處天風和水瀉空山。輟耕錄何公巨川者京師長春宮道士也會世皇將取宋乃上疏抗言宋未有可伐之罪遂命副國信使翰林學士郝文忠公經致于真州至正間詔追贈二品官有人作詩悼之云奇才不泄神仙事抗疏曾子世祖知每恨南邦本無罪比留北使欲何爲忠魂久掩孤城館褒詔新鐫二品碑地下若逢姦似道爲言故國黍離離

舊向韋編悟括囊肯隨文木被青黃吉祥止處無餘物知見

薰來有底香空谷自能生地籟浮雲爭得翳天光只愁八月

風濤壯夢裏江聲撼客牀

何臨安人

天光

莊子居泰定者發乎天光

露菊霜茱薦枕囊石泉崖蜜破松黃只緣山遠無來客更覺
心清聞妙香碁局儘堪消日晷吟毫眞合染溪光劇談不盡
江湖景重與青燈約對牀

松黃

本草松花名松黃服之身輕

心清

杜甫詩燈影照無睡心清聞妙香

聽姨女喬夫人鼓風入松

陵川集靜華君墨竹賦注君姓張氏行臺公之女元道山之姨姪總管喬君之

妻又張公夫人毛氏墓銘二女長適喬侯之子孫幽閑執禮有母氏之風賦詩彈琴竊窕物外元內翰以其姨女嘗與之號曰靜華君又墨竹詩注

夫人參洞下禪有省又綵繡仙人圖詩

白雪朱絃一再行春風纖指十三星雲窗霧閣有今夕寶壓

羅裙無此聲瀟灑寒松度虛籟悠颺飛絮攪青冥胎僊不比

湘靈瑟五字錢郎莫漫驚

胎仙

黃庭經琴心三疊舞胎仙

哭樊帥

自倚沈寃有舌存爭教無路叩天閨裝囊已竭千金賜絕幕

誰招萬里魂東道漫悲梁苑客南園多負壽張孫春風花落

歌聲在夢裏能來共酒尊

舌存

史張儀傳楚相亡璧門下意儀掠管數百不服釋之歸語其妻曰視吾舌尚存否妻曰舌在曰足矣

南園

後漢樊宏傳又柳宗元冉溪詩却學壽張

樊敬侯種漆

南園待成器

寒食

王子清明後作

上苑春風盛物華天津雲錦赤城霞輕舟矮馬追隨遠翠幙青旗笑語譁化國樓臺隔瀛海吳兒洲渚記僊家山齋此日腸堪斷寂寞銅餅對杏花

送樊順之

懷表堅志臨晉異瓜定襄士人樊順之親見

弓刀十驛岳蓮洲渭水秦山得意秋王粲從軍正年少庾郎入幕更風流寒鄉况味真雞肋清鏡功名屬虎頭寄謝溪風亭上月老夫乘興欲西游

八幕

庚杲之事見南史

雞肋

魏志裴注時操欲還出令曰雞肋官屬不知所謂楊修曰夫雞肋棄之如可惜食之無所得

蜀昭烈廟

吉金真石志王庭筠涿州重修漢昭烈帝廟碑記仁者未必成功成功者未必仁仁者之心以仁仁者之心以仁

其私故善論人者論其心之何如而成敗不與以仁濟其私者發於其言見於其事亦仁也蓋竊仁以欺天下夫義仁者是有大不仁根著於心然竊仁易窮也而根著於心者卒不可掩天下之人莫不腹響應唾雖一時成功旋與草木同腐矣仁者之心不以其身其家而以天下故天下之人亦相與謳歌戴仰願以爲君雖生無成功天下之人莫不嘆息至後世猶喜稱道精爽在天能推其仁心用之不已施之不竭呼吸而雲雨咄嗟而風霆咫尺萬里朝夕千載此理之自然無怪者先主仁人也當陽之役不以身而以民永安之命不以家而以賢雖不能如其言要之其心如是而已有厚愛天下之心必享天下之報至今天下之人猶嘆息其無成而喜稱道之涿之人又祠而奉之宜哉涿先主之故家也廟距州西南十里而遠庭有石乃刺史婁君延重修記唐乾寧四年也則血食於此舊矣歲久屋老纔庇風雨今年夏四月里民始議增葺於是富者以資巧者以藝少者走以服其勞老者坐以董其功稍完治中堂新作門屏又作兩廡配祀元臣諸葛孔明關雲長法孝直在東廡土元張翼德簡雍和在西廡成具典廢歲月乞交於庭筠將以刻諸石庭筠曰五季兵火之餘室廬焚蕩殆盡而廟貌巋然獨存俾夫暴客過堂下斂兵肅蹕不敢犯則其仁之入于民深矣大哉仁乎遠於心充於天地被於萬物蓋有不與死而俱亡者幽而爲神其遺澤殘烈施及天下後世以達其生平未厭之心必矣豈獨私乎一鄉哉祠而奉之者特其鄉人之情耳庭筠旣書其事復作歌遺之使迎送神佐其鼓舞以樂之其辭曰舜禹不可作兮古猷日潰盜取盜守兮恬不怪仁人起兮力愛其民志天下兮豈獨爲漢計大統未一分時已逝奄爲神明兮陟配上帝何糾我憂兮仁及異世彼曹丕兮死爲妖豈握長袂兮載芟載剡燕山之陲兮范水之裔平曠如砥兮惟神之豐沛鬱童童兮羽葆蓋愜離樹兮今安在記兒時之夢事兮想亦爲之一愴神之去來

今有此翠輿繁華得今騎鳴玉佩繼瑟而大篇兮紛羣青之繁會往肥酒
香分神其飲醉來雲席布兮同風滿旆將而途兮百拜民不忘兮邀愛驅
螟蝗兮疫癘時雨陽兮屢歲俾富康兮耆艾民德神兮事之無替○陵川
集涿郡漢昭烈皇帝廟碑云廟又有金翰林應奉王庭筠詞推明昭烈之
志論議文采近世所無然猶題為先主名號有未正焉○案題云蜀昭烈
者當卽涿郡先主廟先生殆以黃華碑名號未正故不之從至陵川作碑
則竟書昭烈矣

合散扶傷老益堅荒祠重過爲淒然君臣灑落知無恨庸蜀
崎嶇亦可憐一縣山陽堯故事三年章武魏長編錦官羽葆
今何處半夜樓桑叫杜鵑

洒落

杜甫詩洒落君臣
契飛騰戰伐名

羽葆

蜀志先主傳會南有桑樹生高五丈餘遙望重重如
小車先主少時與小兒戲言言必當乘此羽葆蓋車

過翠屏口

鬢鬚蒼白葛衣寬事外閑身也屬官授簡如聞數枚叔乘車
初不少馮驩沙城雨塌名空在石峽風來夏亦寒兩飽三飢
已旬日虛勞兒女勸加餐

王敦夫祥止庵

陵川集曲肱亭銘序云往歲靖肅徵士魏晉過保下以祥止王氏父子語予而予未之見也今年春始得入燕

祥止先生已仙去其子惇甫明敏純粹質而不華謙而有守與物無競于別墅作亭曰曲肱將以全天下之至樂雖聖賢之高蹈故爲引其溢而係之銘又時中齋記王子惇父既考室名之時中經入燕告同室雖鄙而名之大君其辭而訓之。本集致樂堂記云王惇父即此

三樂人推二樂全有親可事子能傳舊時詩禮聞家學此日丹砂見地僊蕩蕩天光虛室外融融和氣彩衣前情知不羨

燕山桂一樹靈椿歲八千

過寂通庵別陳丈

甲辰秋并序

陳丈未識某而愛其詩曾對高御史士美言我他日見遣山當快飲百醉後見之而公已病乃相約易百醉爲百杯

每見以酒籌計之至七八十杯復有此別故詩中及之

于鮮

樞困學齋雜錄通寂老人陳時可字秀玉燕人金翰林學士仕國朝爲燕京課稅所官。元文類宋千貞耶律文正公碑奏立十路課稅所設使副二員皆以儒者爲之如燕京陳時可宣德路割中皆天下之選。湛然居士集有過燕京和陳秀玉韻又寄清溪居士秀玉詩又戲秀玉詩又謝贈阮杖詩稱秀玉殿學又和陳秀

玉縣梨詩注清溪秀玉道號也。○二妙集段成已有憑生成之自燕歸平陽賴叔通先生獲服奴役詩。○萬松老人和節度陳公絕句云清溪居士陳秀玉要結蓮官香火緣嫌得稍翁搖擲却云到岸不須船。○寶坻縣志趙鑄與寶聖母廟記歲庚寅國朝設十路徵收所前學士陳公秀玉為舉首充燕路長前大中正趙德輝副之。○家寰亭訪碑錄時可撰重修柏林禪院碑性英清在趙州又潭柘寺歸雲大禪師塔銘大興

心遠由來地白偏不離城市得林泉從教上界多官府且放閑身作地僊三月有期何敢負百杯未滿會須填違離更覺從公晚卻望都門一慨然

高士美

見後柳亭注

梁移忠詩卷

案九卷有梁都運詩移忠其子也

一箭功成塞上歸迺翁垂白藉扶持燕雲義俠風流遠里社

陰功父老知龍種作駒元自異虎頭食肉未應遲高門更與

增華表丁令還家先有期

時都運丈已下世故詩中及之

都運下世

續夷堅志呂防德忠翰臨終教諸子曰吾死無火葬無齋僧作佛事梁都運斗南每為余言近歲斗南遺令送終不以僧佛從事有自來矣

喬于戶挽詩

本集二十九卷神道碑公諱惟忠字季光丙午年五月二十七日終于正寢○靜脩遺詩于戶喬侯挽詩其木秋聲

尚稟然平生鄉國魏幽燕千家聚落耶山碧四海牢籠勅勒天龍虎風雲空一夢關河形勢記當年重侯累將應須念創立艱難亦可憐○陵川集挽喬侯詩挾纓歸來髯未霜便如王蔚臥頻陽風雲動地空黃土劍甲埋光慘白楊壯節固應書北關英名更好刻西邸傳家有子無遺恨珠樹蘭花滿玉堂

高塚驚看石表新空將事業望麒麟燕遼部曲于夫長楚漢風雲百戰身赤羽有神畱絕藝素旗無誅記連姻陰功未報

天心在累將重侯又幾人

潘安仁楊使君誄有表之素旗之句喬與于皆毛氏之婿

高塚

杜甫詩苑邊高塚臥麒麟

赤羽

家語赤羽若日白羽若月

皆毛氏婿

本集潞州毛君表云曩子婦秀提舉以宗盟之故泊君伯

仲通譜又于戶銘娶大名毛氏潞州錄事之女

贈王仙翁道成

覽照休驚白髮新奕棋翻覆見來頻燕南趙北畱詩卷王後盧前盡故人平地青雲一爐藥舊都喬木百年身憑君勸醉

浮香酒館名梁苑而今不算春

燕南

魏志公孫瓚傳燕南垂趙北際中間不合大如隔

浮香

本集三十三卷順天營建記云為酒館二口浮香金盞

常仲明教授挽詞

本集廿四卷墓銘卒于辛亥九月十九日

雲際虛瞻處士星豈知談笑已忘形鎮州肥膩無毫髮晉產

真淳有典刑白帽枉教淹晚節綠囊元擬濟含靈汝南後日

先賢傳猶欠知幾為勒銘

常代州崞縣人客鄆城與知幾游從知縣臨終殊明了

肥膩

白居易詩自笑亦會為刺史蘇州肥膩不如君

汝南

案仲明流寓鄆城甚久故云

追錄舊詩二首

案二詩第一首塵字韻疑為寄趙愚之詩二首之一中州集趙有次韻裕之見寄詩其一陰韻其二即塵韻此

詩以當連刊在八卷寄趙陰韻詩後然詳尾注云自用韻答張之純且詩意亦與寄趙未叶則為答張作而非寄趙矣又第二首民字韻與中州集懷祖和裕之詩二首韻合詳崔詩為贈別作而此詩尾注云用崔懷祖韻不過倡和之什全無贈別意未知與誰作又集中詩題追錄者凡五內題下細注者二如本卷汴梁除夜十三卷竟篤耨香是也題中大書者如本卷樂府新聲一律云追錄洛中舊作十四卷桑條沾潤一絕云偶記內鄉一詩追錄于此是也上四題皆屬遺山元本無疑惟此二詩各有題注忽然併合總題追錄六字恐非元本

短褐單衣長路塵十年回首一吟呻孤居無著竟安往宿債未償今更新相馬自甘齊客瘦食鮭誰顧庾郎貧聞君話我才名在不道儒冠已誤身

自用韵
答之純

潦倒聊爲隴畝民一犁分得雨聲春功名何物堪人老天地無心誰我貧
穎上雲煙隨處好洛陽桃李幾番新悠悠世事休相問牟麥今年晚得辛

用崔懷祖韵

誰我貧

莊子大宗師子桑曰我思夫使我至此極者而弗得也父母豈欲吾貧哉天無私覆地無私載天地豈私貧我哉

麥得辛

清異

錄積麥以十辛夏下子不得過三辛收
滋不得過三辛上場八倉亦用辛日

丁未寒食歸自三泉

本卷呈劉濟川詩云共隱三泉先有盟十三卷
黃花峪詩云乞得三泉住不成三十三卷淨水

渠堰記淨水之源出于雁門東山之
三泉新樂府有三泉醉飲滿江紅詞

青山晴暖紫生煙山下分流百汊泉未放小桃裝野景已看茅屋映秋千飢烏得食爭相喚醉叟行歌只自顛寒食明年

定何許故人尊酒且留連

卽事呈邦瑞

湛然集有邦瑞乞訪親詩和韵送行詩又用韵詩

鄭莊父子重相留似爲良辰散客愁
陋巷新成一茅屋今年連醉兩中秋
開尊便覺賢人近汗足寧論力士羞
明日燕臺傳盛事坐中賓客盡名流

鄭莊

史鄭當時傳字莊任俠自喜常置驛馬長安諸郊存諸故人請謝賓客

和白樞判李定齋有詩寄白以因風何惜數行書爲
落句白酬答云欲搜春草池塘句藥裹關心夢不
成余平解之

金粟崗頭有髮僧遙知默坐對龕鐙
書郵但覺浮沈久詩卷何緣唱和曾
白日放歌須縱酒清朝有味是無能
相逢定有池塘句藥裹關心恐未應

白日

少陵句
清朝牧之

慶高評事八十之壽

儒門事親高評事中風稍緩張令湧之後服鉅彈丸在普濟加滅方中云云或是。本集廿卷

順安令碑云高聘君既銘誌石三十七卷送高雄飛序云
壬子七月被賢王之教則聘君當即高鳴評事或其父也

圖畫堯民大朴存衣冠兼得見高門種松千歲如種德教子
一經今教孫化日舒長留暮景秋風搖落變春溫聘君羔雁
休疑晚正及新年薦壽尊

化日

潛夫論化國之日舒以
長故民閑暇而有餘力

超然王翁哀挽

直擬期頤薦壽尊却從圖畫記生存百年喬木衣冠古一父
西庵笑語溫故事未霑通德里素風多負讀書孫吳陳諸老
今誰在滅沒歸鴻是薊門

西庵

指楊正卿
見九卷

大名贈答張簡之

營平豪宕變溫文所見今知勝所聞只道生涯無長物爭教
詩壘策奇勳伐薪未敢煩名士載酒能來過子雲後日山陽
養衰疾藥籠仙品正須君

伐薪

列子人有枯樁樹者鄰父言枯樁不祥遂伐之鄰父因請以爲薪其人乃不悅曰鄰父徒欲爲薪而教我伐之也

藥籠

唐元行沖傳仁傑曰君正

吾藥籠中物不可一日無也

燕都送馬郎中北上

功曹此日漢蕭何家世當年老伏波但愛紅蓮映芳渚豈知
寒谷變陽和珠囊不載模糊錦銀管先書茂異科太史占天
應有喜一星朝處五雲多

模糊

杜甫詩馬頭金匝駝背錦模糊

馬雲漢方鏡背有飛魚

陵川集舍元殿瓦研記雲漢先生至自晉篋古研以示非端非歛舍元殿之廢瓦也

○見十四卷
馬卿詩注

劫火依然百鍊初
護持元自有神魚
影寒似覺雲屏透
光落應分玉斗餘
開朗休嫌露圭角
圓通寧復滯方隅
衣冠正了渾閑在
一片靈臺欲付渠

衣冠

見漢李尤鏡銘

贈答雁門劉仲修

并序。地志河東北路代州雁門縣。秋澗集有和劉仲修見示詩十首。

仲修省郎乘傳過新興
有詩見及推激過稱甚
非衰謬所宜得者
媿汗之餘輒用韻爲謝
仲修詩律深密得於尊公
鳳山老人過庭之訓
且其顏狀絕類吾友李從事長源故
篇中有及

車騎雍容一坐傾
并州人物未凋零
共知祭酒傳家學

劉向爲劉氏祭

酒獨愛中郎餘典刑
東壁圖書欣有託
南溟風浪駭初經
少

微見比吾何敢洗眼仙槎候客星

鳳山老人

卽劉克明
見後挽詩

餘慶堂

秋澗集餘慶堂詩注銅臺趙御史詩云雁塔題名奕葉香敷闕婉
婉亦知方須知培植根基厚遂見滋榮世澤昌沙麓青閨王氏積

桂花今接寶家芳
冠高耿
班衣欄歲歲春風拜北堂

五年霜戟照康莊
萬里春風擁畫梁
已覺并汾增勝氣
更從王郝借餘光
靈椿丹桂知難老
玉節金符豈易量
剩著賸毫授辭客
南堂兼是棣華堂

棣華堂

案本集九卷周夢卿家秋日牡丹詩云猶想分香入棣華注周有棣華堂
又陵川集郝氏諸昆皆賢尤篤友愛乃植棠于庭名堂曰棣華取詩義也

寄答劉生

西州消息到東山
懷袖新詩百過看
白璧明珠驚照座
朔雲寒雪入憑欄
省郎共結交情厚
野老還欣禮數寬
後日秋風一尊酒
草堂應得駐金鞍

別董德卿

續夷堅志西陰并移甫宮士董德卿親見之或是

爛醉秋風四十場此回歌笑重難忘楊雄詞賦今誰識陶令
田園先已荒同甲弟兄雖異姓宦游州郡卽吾鄉懸知後日
登高地剩爲行人望太行

送端甫西行

瀛州人物早知名車騎雍容一座傾美酒清歌良有味綠波
春草若爲情渭城朝雨三年別平地青雲萬里程老我秦游
舊曾約夢中仙掌已相迎

讀李狀元朝宗禪林記

李守濟州城破不屈節死贈鄉郡刺史

史李演傳字巨川任城人泰和六年進士第一除應

奉翰林文字再丁父母憂居鄉里貞祐初任城被兵演墨績爲濟州刺史盡守禦策召集州人爲兵捕戰三日衆皆市人不能戰逃散演被執大將見其冠服非常且知其名問之曰汝非李應奉乎演誓曰我是也使之跪不肯以好語撫之亦不聽許之官祿演曰我書生也本朝何負于我而利人之官祿哉

遂喪出殺之時年三十餘贈
濟州刺史詔有司爲立碑云

偶向禪林見舊文濟陽南望爲沾巾張巡許遠古亦少烈日
秋霜今更新千字豐碑誰國手百城降虜盡王臣知君不假
科名重元是中朝第一人

中朝

蘇軾詩單于若問君家
世莫謂中朝第一人

同嚴公子大用東園賞梅

案元嚴實傳子忠嗣襲萬戶本集三十
九卷有答大用萬戶書則大用卽忠嗣也

東閣官梅要洗妝青雲公子不相忘翰林風月三千首樂府
金釵十二行佳節屢從愁裏過老夫聊發少年狂花行更比
梳行好誰道并州是故鄉

翰林

六一
范成大市街詩梳行說維
馬行發藥市蕭驛土市寒

中庸先生垂示先大夫教子詩及裴丙翰擇之所述

家傳愛仰不足情見於辭

元史隱逸傳張特立字文舉東明
人金正大中拜監察御史以言事

罷歸田里通程氏易晚教授諸生東平嚴實每加禮焉歲丙午世祖在潛邸受王印首傳旨諭特立以前監察御史張特立養素邱園易代如今年幾七十研究聖經宜錫嘉名以光潛德可特賜號曰中庸先生又諭曰先生年老目病不能就道故令趙寶臣諭意且名其讀書之堂曰麗澤案特立事已詳八卷園城注續夷堅志裴翰林擇之陽武人六七歲時有鬼市事又本集三十七卷傷寒引云云

嚴訓常如天日照名家元自古今同只知楊秉餘清節爭信

譙元有素風

獨行傳第一

通德里門傳故事安平韻語到兒童青青

留在懷賢樹愛殺曹南一畝膏

楊秉

後漢本傳秉坐罪赦出有詔徵稱疾不至尚書令周景奏秉儒學侍講常在謙虛誠遠側席之望然遷延退舍足抑苟進之風譙元又獨行傳元字

君黃元始四年舉爲繡衣直指會王莽居攝間歸家公孫述僭號連聘不詣終述之世隱藏田野獨訓子勤習經書

賀中庸老再被恩綸

元張特立傳王子歲復降璽書諭曰白首窮經誨人不倦無過不及學者宗之昔已賜嘉名今

復諭意

萬古千秋麗澤堂紫泥恩詔姓名香治朝例有高年敬神理終歸晚節昌東魯儒生傳舊學曹南方志發幽光季春羔雁

秋風酒準擬年年薦壽觴

舊學

李簡學易記序云歲壬寅子聖家遷東平張中庸特立劉侯庵肅與王仲微輩方集諸家易解而節取之得屬講席之末○理學宗傳云是時閩洛之學未行

于中國獨金儒張特立頗以程易教授北方

趙汲古南園

分得軍字○元文類姚燧序牡丹云子于牡丹始于中統之元見壽安紅洛西劉氏園三年見左紫洛陽故趙相南

園○本集二卷趙吉甫西園詩云汲古先有齋

林園近與六街鄰塵漲都歸一水分魚樂定從濠上得竹香
偏向雨中聞接離倒著容山簡老屋高眠稱陸雲尊酒相陪
有今日却慙詩壘不能軍

柳亭雨夕與高御史夜話

中州集高工部有鄰傳季子疑字士美正大初監察御史最知名○陵川集哭

高監察詩云問學淵源算略長中樞近右轉臺郎繡衣春照金官日白筆寒生玉殿霜亡國失身雖其苦無兒死客獨堪傷摩挲翠碣徐河道駐馬西風淚幾行注先生諱疑字士美遂州人以才幹精絕學術純正拔為樞密院都事轉監察御史金亡入燕喪子感疾而卒居順天嘗語僕以讀書作文法故其卒賦詩以哭之今順天北徐河橋上修橋碑先生之父都轉運使之文也故及之○秋澗集中堂紀事嘗與劉尚書才卿講究焚黃故

事劉曰嘗問高士美云其勅文全式尚書有牒故某官某職某人奉勅可
追證某名牒至準勅故牒年月日後備具相街押其勅封上題給付某人
命其子孫錄全文如式火于本官家廟以告謂
之焚黃○本集五卷答仁甫詩本卷別陳丈詩

關塞無緣笑語同偶然情話此從容青天蜀道不得過山色

歸心空自濃九日茱萸藍澗酒十年朝馬景陽鐘三間老屋

知何處惆悵雲間陸士龍高曾自藍田令入拜監察御史北渡後
謀還保塞而困于無資者二十年矣

三問二語已見九卷
寄飛卿詩

玉峯魏丈哀挽中州集劉景元有中秋同魏邦彥宴集三鄉光武廟詩
○淦水集尚水縣學記魏侯邦彥以事過其邑請于爲

記○麻革游龍山記己亥夏赴武川歸道渾水謁玉峯魏先生○劉祁
游林慮山記癸卯之明年秋八月玉峯魏公自燕趙來適東平○元史李
治傳今儒生如魏璠皆有用之材詳八卷欽止李兄詩注○陵川集哭魏
先生詩臨危正色義巍然合叱三軍詔武仙赤子共知歸大老晚生今喜
見先賢驚皇重赴邱園詔鬼域潛生李郭船高棟傾摧更誰屋衣冠苦淚
欲平天○本集五卷游龍山詩玉峯有佳招二十卷夾谷碑源魏內翰
邦彥以簡重得登公門三十七卷仲經詩序憶永寧舊游寄魏內翰云上
閣寺高迎晚翠游家樓小簇春紅又傷寒會要引三十九卷耶律書續編
贈玉峯魏丈
邦彥詩並是

風馭翩翩渺獨征
幾人終始復哀榮
祗緣大事存遺藁
重爲斯文惜主盟
北斗太山初未減
秋霜烈日凜如生
莫疑知己無從報
直筆君看戮進明

進明

賀蘭進明事見唐書○案史哀紀天興元年十二月擢魏瑤爲翰林修撰如鄧州徵武仙人援二年七月遣魏瑤徵武仙兵又武仙傳哀宗遣魏瑤問道召仙

仙欲殺之奔還歸德云云故以進明事喻之

清明日改葬阿辛

掌上青紅記點妝
今朝哀感重難忘
金環去作誰家夢
綵勝空期某氏郎
一瞥風花纔過眼
百年冰蘖若爲腸
孟郊老作枯柴立
可待吟詩哭杏殤

金環

晉羊祜傳年五歲舍乳母取所弄金環母曰汝先無此物祜即詣鄰人李氏東垣桑樹中探得之主人驚曰亡兒所失物也

寄謝常君卿

百過新篇卷又披
得君重恨十年遲
文除嶺外初無例
詩學

江西又一奇楊柳不隨春事老貞松唯有歲寒知仙鄉白鳳
瀛洲近洗眼雲霄看後期

送武誠之往漢陂

太原酒政瑞甫之
父此時為黃冠

行李中春發晉溪離筵辭客賦新題青雲有路人看老秋水
無言物自齊杜曲舊游頻入夢兵厨佳釀惜分攜因君爲向
蓮峰道不待移文我亦西

送劉子東遊

劉郎世舊出雄邊生長幽并氣質全陣馬風檣見豪舉雪車
冰柱得真傳書空咄咄知誰解擊缶鳴鳴頗自憐後日東州
飽歸載且休多送酒家錢

陣馬

杜牧李賀集序陣馬
義山雜記劉父問韓愈善友歸之既至賦
風檣不足爲其勇也

冰柱

義山雜記劉父問韓愈善友歸之既至賦
雪車冰柱二詩一旦居處全孟郊之右

甲寅九日同臨漳提領王明之鹿泉令張奉先賈子

戶令春李進之冀衡甫遊龍泉寺僧顯求詩二首

臨漳地志河北西路彰德府臨漳縣○王明之秋澗集玉淵潭燕集詩序
都城西郊有潭曰玉淵丁氏故宅也都人游觀誠爲佳麗財賦總管王侯
明之尚義好客高出時彥甲午秋孟置酒潭上邀翰林諸公爲一日之娛
○張奉先本集續編有送奉先從軍詩或是○賈令春續夷堅志泉州人
賈令春前郵時丞興定元年丁丑十月以成役在龍池此地出炭炭火顯
露隨取而足用者積累成堆下以薪藁之烈焰熾然一日賈與成卒隔火
坐忽一炭塊爆出塊破中有二白玉仙人各長二寸有半眉目口耳形體
皆具頂烏巾繫如阜勒帛狀雙帶下垂雕刻所不及賈甚珍秘兵亂中失
所在○李進之本集十二卷江軒詩十四卷藟北詩題眞定教官李進之
三十二卷眞定學記教官李謙又三皇堂記大谷李進之介子爲記三十
九卷耶律書太原李謙案此與元史傳載東阿人字受益爲道山校選而
號野齋者列是一人○冀衡甫或卽京甫之弟抑寄耶律書中之冀致君耶

遠水寒煙接戍樓黃花白酒浣羈愁霜林染出雲錦爛春色
併歸風露秋鄉社歲時容客醉石牆名姓爲僧留登高舊說
龍山好從此龍泉是勝遊

柿葉殷紅松葉青黃花霜後獨鮮明西風浩浩欲吹帽石溜
泠泠堪濯纓皇統貞元見題字良辰美景記昇平何人解得

登臨意滅沒疎雲雁一聲

十日作

關樹蕭條返照明井陘西北算歸程青黃大似溝中斷文字
空傳海內名平地煙霄遽如許秋風茅屋可憐生重陽擬作
登高賦一片傷心畫不成

贈答魯安師

入座臺山景趣新因君鄉國重情親金芝三秀詩壇瑞寶樹
千花佛界春聞道舊傳言外意忘言今得眼中人種蓮結社
風流在會向籃輿認後身

三秀

積康詩煌煌靈芝一年三秀

籃輿

晉陶潛傳王宏問其所乘答曰素有脚疾向乘籃輿亦足自反

季純宛邱遷奉

學古錄田氏先友翁墨序云張朴字季純○陝川集郊野堂記乙巳秋魯伯自燕來以季純張君之書示予云

近卜居于故宮基構一室迺宛邱間有野處之趣故名其室曰郊野○地志南京路陳州宛丘縣

鬢毛衰颯面塵埃
季子牽車古所哀
千里長河限南北
一丘寒土見蒿萊
遼東華表何人在
柳氏元堂此日開
十月知君有新喜
小雛先與喚迎來

張弟新舉第二雛聞其玉雪可念因以字之

曹壽之平水之行

秋澗集袁曹君詞序君諱松年字壽之臨州隰川人○地志河東南路絳州平水縣

關塞相望首重搔
相逢衰颯嘆顛毛
驪珠可忍輕彈雀
鶻餌何緣得釣鰲
從昔丘園昌晚節
向來山岳總秋毫
西風先有龍門約
共舉一杯持兩螯

彈雀

莊子有人以隋侯之珠彈千仞之雀世必笑之

鶻餌

又任公子以大釣巨繩五十犗以爲餌蹲于會稽投竿東海旦日而下釣期年不得魚

追懷趙介叔

中州集趙思文傳子介叔今居鄉里○本集十八卷通奉碑子克剛即此

今古人門各一時
燕南剩有桂林枝
清風明月懷元度
綠水紅蓮見杲之
善政傳歸遺愛頌
陰功留在稱家兒
哀歌不盡平生意
空想翛然瘦鶴姿

遺愛

漢書叙傳敬人君子詩同功異沒世遺愛民有餘思

稱家兒

韓愈馬君墓誌幼子媚好靜秀瑤環瑜珉蘭田其芽穉其家兒也

追懷友生石裕卿

本集十三卷有題石裕卿郎中所居四詠

人物休評第幾流依然豪俠數并州壯懷歌闕尊爲破連句才多筆不休金馬只教聊避世玉犀誰遣失封侯酒酣握手今無復惆悵西園是舊游

玉犀

唐袁天綱傳見寶軌曰君伏犀貫玉枕十年且顯立功其在梁益間乎

挽雁門劉克明

即仲修父前所云鳳山老人者

詩骨嶸然野鶴孤兩年清坐記圍爐金初宋季聞遺事草靡波流見古儒已分幽人嗟古柏爭教孺子奠生芻鳳山後日先賢傳再有劉宗祭酒無

草靡

閑居賦訓若風行應如草靡

古柏

陶潛游周家墓柏下詩感彼柏下人安得不爲歎

贈答平陽仇舜臣

兩辱攜詩過草堂曹君師席有輝光飛騰自是功名具潦倒
何堪翰墨場滄海驪珠能幾見鄴城龍劍不終藏太行殘雪

春風近且趁梅花薦壽觴

仇乃曹益夫門生也

平陽

地志河東南路平陽府

曹君師席

房祺河汾詩序後云兌齋自客汴梁北渡居平陽者三十餘年發明道學為文楷式指授後進桃李

光輝盈溢其門家兌齋即益甫舜臣殆門生之一也又益甫別詳信武肝表○秋澗集蒙溪先生張君銘君諱普字仲明襄陵人國朝戊戌歲設科取士君以詞賦中選適庶貽溪先生泊前進士兌齋曹父來主經局君喜且不寐曰今而後吾學有所正矣

賈漕東城中隱堂

本集三十四卷千秋錄後記今河倉提頤起字顯之即此

智水仁山德有鄰柳塘花塢靜無塵家僮解誦閑居賦田父
爭持社齋春安吉總輪中隱士典刑真見老成人明年恰入
非熊運共看青蒲裊畫輪

安吉

見樂天詩

約嚴侯汎舟

即忠嗣

風物當年小洞庭西湖此日展江亭詩貪勝槩題難徧酒怯
清秋醉易醒白鳥無心自來去紅蕖照影亦娉婷仙舟共載
平生事未分枯槎是客星

西湖展江亭

案西清詩話許昌西湖展江亭成宋元憲題遺山此句乃借用也前晉溪詩云云同秋湖集展江亭詩乃太康作

送李同年德之歸洛西二首

王堂嘉話洛陽竹齋先生李德之云制詰二體不同宣詞必煩散文

詰詞乃用四六今宣詞皆作四六非也宣詞如蔡正甫作道陵論孟宗獻李楫是也其詰如狄梁公顏少師李文饒等詞唐人純用四六是也又云知制詰爲三字詞臣故唐詩有三字詞臣求職面九重天子望低顏之句德之名國維潘川人。本集十六卷沁州碑

千佛名經有幾人棲遲零落轉情親承平盛集今無復哀樂
中年語最眞衣上緇塵元自化鏡中白髮爲誰新水南北
相逢在剩醉醪醕十日春

承平盛集

程鉅夫雪樓集辭微之碑微之制行立言口口自然當世攝紳尊之曰庸齋先生日與文几幸原柳城姚樞樓山張德直太原元好問南陽吳

傑洛西劉摯潘川李國維濟南杜仁傑解梁劉好謙講貫古學且以淑人。新樂府有永寧范使君園亭會周國器任亨甫吳子英蘇君顯李德之擬東坡六客倚定風流詞

此卽

亡奈流光冉冉何逢君聊得慰蹉跎飛黃老去空奇骨拙燕
歸來只舊窠舉世盡從愁裏過一尊獨愛醉時歌洛中定有
人相問休道今年白髮多

飛黃

韓愈詩飛黃騰
去不能顧蟠蜎

贈蕭漢傑

有序

蕭漢傑大興人金國初嘗賜姓奧里氏故時人又謂之奧
里漢傑父仲寬居之飛龍榜登科同知青州軍州事致仕
有子六人皆使官學獨漢傑不樂遂作舉子爲人慷慨有
志膽好讀書古兵法及陰陽孤虛祿命之術從軍二十年
積官從三品領統州倅關陝總帥府提控佩金符蓋自燕
城圍解之後間關南渡出入行陣間瀕於死者屢矣鐵嶺

之潰復入陝州陝州亂羣不逞輩繫漢傑獄中漢傑乘昏
暮破械而出懼爲追者及駕浮壺亂黃流筋疲力涸僅達
北岸爲失侯故將者又二十年流離頓踣人所不能而意
氣都不少衰以人情觀之豈碌碌者所可辦耶王子冬與
余相值於東原問其世知其爲故人大鈞之同母也問其
日事則曰止以唐生季主之業游時貴間耳因與論余之
行年而有契於余心者私竊慨嘆以爲倚伏叵測哀與樂
相尋生也有涯而跼於憂畏浩浩乎如乘舟而遇風波非
知其亡可柰何而安之其何以收利涉之功乎漢傑爲有
得矣其別也因爲長句以贈

史徒單元典傳天興元年正月發元典行
省閩鄉徒單百家爲關陝總帥便宜行事
會召元典入援遂盡撤秦藍諸隘之備從號入陝初元典發開州軍至鐵嶺大兵
潛召洛陽大軍從西三縣過盧氏所至燒官民廬舍積聚處爲金軍所據又反守
鐵嶺以斷歸路金兵知必死皆有鬪志然已數日不食行二百許里困憊不支完
頤重喜先降鄭獨初商英首以降王卒大潰元典亦被殺二月完頤素蘭單歸陝

州與徒單百家撫納逃軍所得及萬人又募收所棄甲仗軍稍振七月召百家入
援以阿不罕奴十刺爲關陝總帥十月權行省事時河解元帥趙偉軍食盡陝省
無糧可給十一月冬至密遣總領王茂軍士三十人入陝州匿菜園中乘夜殺北
城邏卒召偉軍渡河入城劫殺奴十刺等因誣奏奴十刺反誅之矣朝廷莫敢詰
射虎將軍右北平短衣憔悴宿長亭雷轟寶劍無畱迹火借
青囊爲乞靈四壁不知貧作祟一瓢誰識醉中醒相逢莫話
檣機石自省枯槎是客星

青囊

晉郭璞傳有郭公者精于卜筮璞從受業公取
青囊中書與之由是遂洞五行天文卜筮之術

送曹幹臣

湛然集用曹植韵詩序云楨金城人字幹臣始冠上詩于我友
采可觀因和元韵以勉後進楨詩云征南都護得旌旆平北將
軍已罷師寰海謳歌歸大舜明堂鐘鼓奏咸池咸陽父老傾
心日魯國書生得志時收拾奏書且歸去朝廷人物有臯夔

和林音驛日懷思燕市歌歡有此時老我真成鐵爐步感君
時送草堂貲黃楊舊厄三年閨赤驥非無萬里姿平地煙霄
付公等不妨閑和鳳池詩

和林

元史地志嶺北等處行中書省統和寧路總管府
和寧路始名和林以西有哈刺和林河因以名城

鐵爐步

柳宗元志永州
北郭有步曰鐵

爐余往來其所謂步者無有問之人曰蓋嘗有銀鐵者居其人去爐
毀獨有其號肩而存余曰噫世固有事去名存而肩焉者若是耶

厄閨

埤雅黃腸
性堅歲長

一寸闊年
倒長一寸

國醫王澤民詩卷

萬石君家父事兄豈知衰俗有王卿一篇華袞中書筆滿紙
清風月旦評鴻雁自分先後序鵲鵲兼有急難情閨門雍睦
君須記方伎成名恐未平

祖唐臣母挽章

見四
卷

白髮承平一夢過怡然冠帔見慈和肩輿燕喜今無復手綫
畱殘恨更多舍肉已甘非穎谷學仙何敢望西河升堂結友
平生事重爲王君廢蓼莪

肩輿

潘安仁閑
居賦語

手綫

孟郊詩慈母手中
綫游子身上衣

丙辰九月一十六日挈家游龍泉

案此首益甫本刻
入續編泉州詩後

風色澄鮮稱野情居僧聞客喜相迎
簾垂石磴雲添潤泉漱山根玉有聲
庭樹老於臨濟寺霜林渾是漢家營
明年此日知何處莫惜題詩記姓名

明年

案先生于丁巳九月四日卒于獲鹿遂成識語矣

感寓

南楊北李閑中老樂文張兄病且貧
叔夜呂安誰命駕牧童田父實爲鄰
功名富貴知何物風雨塵埃惜此身
歌酒逢場甞陶寫不應嫌我醉時真

南楊

卽正卿名果家于河南見九卷

北李

卽仁卿名治家于渾源見一卷

樂文

卽舜咨名夢見九卷

張兄

卽緯文名緯見前別詩

存歿

行間楊趙提衡早老去辛劉入夢頻
案上酒杯聊自慰袖中詩卷欲誰親
兩都秋色皆喬木一代名家不數人
汲冢遺編

要完補可能虛負百年身

汲冢

晉東晉傳太康二年汲郡人不準盜發魏王冢得竹書數十車

人日有懷愚齋張兄緯文

案四十卷上梁文注緯文重滯燕京此其有懷時耶

書來聊得慰懷思清鏡平明見白髭
明月高樓燕市酒梅花人日草堂詩
風光流轉何多態兒女青紅又一時
澗底孤松二千尺殷勤畱看歲寒枝

澗底

左思詩鬱鬱澗底松離離山上苗

趙元德御史之兄七袞之壽

元張德輝傳丁未夏薦趙元德等數人

富貴浮雲世態新典刑依舊老成人
松身鶴骨詩千狀玉潤冰清德有鄰
已卜新居近泉石不應晚節傍風塵
平頭七十從頭數才是梅溪第一春

張邨杏花

丁巳二月初二日

昨日櫻唇絳蠟痕今朝紅袖已迎門只應芳樹知人意
留著殘妝伴酒尊
穠李尚須羞粉豔寒梅空自怨黃昏
詩家元白無今古從此張邨卽趙邨

送仲希兼簡大方

以下續編○秋澗集雜著仲希出金源世胃少以孤兒隸羽林宿衛者有年爲人慷慨尚風義善馳

射北渡後折節讀書樂與士大夫游翩翩佳公子也如遺山先生一代鉅公雖汎愛無間翰墨之作初不輕與至于君題其居曰元齋繼其德曰吾弟復有爲贈稱道其志向非尚友重義得如是乎自是完希之名軒轅于河朔者三十餘年非不重也○案日知錄今完顏氏皆去完而爲顏惟曲阜不敢冒完國之姓特稱完氏此殆是與

家亡國破此身留留滯聊城又過秋
老公天公眞瀆瀆亂來人事轉悠悠
碁中敗局從誰覆鏡裏衰容只自羞
方外故人如見問爲言乘興欲東流

送郭大方

見上○本集十四卷自適軒詩又十八卷廣威表子擇善棄家爲黃冠博于元學道價重一時或是

雲裝烟駕渺翩翩是處林泉有靜緣
存歿其驚初劫後交游

空記十年前忘言秋水聊揮塵得意高山未絕絃明月太虛君自了相思休汎剡溪船

送李甫之官青州

又三十七卷送序

親朋離燕日相仍又向扁舟別李膺晚節浮沈疑未害中年哀樂自難勝樊籠不畜青田鶴朔吹初翻白錦鷹鄭重雙魚問消息故侯瓜圃在東陵

青田鶴

蘇武詩軒青田鶴鳴聲哀籠

答晁公憲世契二首

晁文元公之後游仙李承冒之外孫○中州集見洗馬會傳字公錫高平人

晁文元公之後孫章字公憲李承冒外孫教授鄉里樂于提誨諸生經指授者肅然如在官府進退拱揖皆有可觀蓋其家法云案中州李晏自號游仙野人

文元道院玉爲淵臥治堂中宅相賢名世其知先德在詩書仍自外家傳獨先月且宜無愧久辱泥塗恐未然子弟他年拜矜式萬鍾應待餞華顛

道院

宋見迴傳字明遠澶州人仁宗朝以太子少保致仕卒年八十四諡文元善吐納養生之術通釋老書以經傳傳致為一家之說有道院集十五卷

宅

相

晉魏舒傳富為外氏成此宅相

通家能有幾人存華屋生平得細論入座舊曾稱小友挾書
今復授諸孫已煩學舍分餘俸更約田家共老盆一諾知君
重山岳車行五日是非門

老盆

杜甫詩莫笑田家老瓦盆年年盛飯長兒孫

寄史得秀兼呈濟上諸交游

中州集史士舉傳孫庭玉字德秀今居山陽。莊靖集游濟源序同

史德秀。本集有求田詩

久揅身世不相關暫入紅塵亦自難一早且當逃赤地二年
爭得厭青山陽臺寒食林花盛鐵岸南風草閣寒鄉社追隨
有成約更教空負老來閒

答吳天益

兵中曾共保嵩邱，忽漫相逢在此州。
鵝鴨何常厭喧聒，燕鴻無計得遲留。
白頭親舊常千里，黃葉關河又一秋。
三徑他時望羊仲，卻應松菊未銷憂。

來詩有三徑松菊之句

鵝鴨

蘇軾白鶴新居上梁文願同父老厭鄉社之雞豚已戒兒童備比鄰之鵝鴨

答郭仲通二首

案本集二卷移居詩云郭侯家多雪篇帙得徧窺獨有仲通甫天馬不可羈卽此人

白髮歸來一布衣，東臯春草映柴扉。
向時諸老俱熏沐，此日孤生足罵譏。
遁世已甘成遠引，刺天何暇計羣飛。
光芒銷縮都無幾，慚媿詩人比少微。

來詩有少微星之句

刺天

韓愈祭柳文一斥不復羣獸刺天

一尊何意復同傾，亂後眞疑隔死生。
吐氣無妨出芒角，忍窮尤喜見工程。
千年老檜盤根古，十丈寒潭照膽清。
凜凜風期望吾子，不成隨例只時名。

蘭文仲郎中見過

元李治傳今儒生有如魏璠王鶚李獻卿蘭光庭趙復郝經王博文輩皆有用之才。案中州集馮

延登有蘭子野晚節軒軒自然齋詩或是成已有蘭氏晚節軒自然齋詩或是

玉臺辭客當年華樂府風流有故家水碧金膏步兵酒天香
國色洛陽花皇居鬱鬱今何在世事悠悠日又斜後夜雲州
古城下故應回首一長嗟

水碧

山海經耿山無草木多水碧注水玉類

金膏

穆天子傳黃金之膏注亦猶玉膏皆有精淳也

送奉先從軍

本卷游龍泉詩有鹿泉今張奉先或是

潦倒書生百戰場功名都屬綉衣郎虎頭食肉無不可鼠目
求官空自忙卷月清笳渭城曉倚天長劍蜀山蒼習池老去
風流減醉後揚鞭媿葛疆

壽趙受之

見二十九卷千戶碑

山東諸將擁雲臺共許元戎有雅懷文字誰如祭征虜威名

人識李臨淮農郊荆棘連新麥儒館丹青仰古槐看取邦人

祝君壽五雲多處是三台

征虜

後漢祭遵傳潁陽人少好經書建武二年拜征虜將軍爲將軍時取士皆用儒術對酒設樂必雅歌投壺

臨淮

唐李光弼傳營州柳城人遭時變拔

任兵柄料敵制勝賞信罰明有古良將風天下服其盛名寶應元年進封臨淮郡王

與宗秀才

陽平作

趙侯雅負平原量楊子今爲四海儒已遣父兄知義訓肯容
兒輩作耕夫鶯遷高樹音容改魚得明珠尾鬣殊駟馬高門
看他日始知種德有根株

贈馮內翰二首

并序

內翰馮公往在京師日渾源雷淵希顏太原王渥仲澤河
中李獻能欽叔龍山冀禹錫京父皆從之問學某資緣亦
得俎豆于門下士之末然自辛卯壬辰以來不三四年而

五人者惟不肖在耳丙申夏六月公自東平將展墓于鎮
陽以某在冠氏枉駕見過時公方爲髀股所苦吟呻展轉
若非老人之所能堪然間語及舊事則危坐終日往往爲
之色揚而神躍以公初桂冠歸嵩山時較之其談笑風流
固未減也竊意造物者錫公難老使後生輩望見眉宇以
知百年文章鉅公敦龐耆艾之士褒衣博帶坐鎮雅俗者
蓋如此橫流方靡而砥柱不移故國已非而喬木猶在幸
公之可恃而哀四子之不見也作詩二章以道區區之懷
於公之行而爲之獻

已見
一卷

耆舊如公可得親爭教晚節傍風塵青氎持去故家盡白帽
歸來時事新扶路不妨驢失脚守關尤覺虎憎人只應有似
松菴日時醉中山麴米春

驢失脚

東都事略陳搏驢入汴聞太祖登極墮驢大笑曰天下于是定矣

龍門冠蓋日追隨
四客翩翩最受知
桃李已隨風雨盡
柏松獨與雪霜宜
元龜華髮渠有幾
清廟朱絃誰與期
見說常山好歸隱
從公未覺十年遲

九日午後入府知曹子凶問夜爲不能寐爲作詩二

首

見七卷通甫詩

角逐文場早決機
晚年書卷不停披
詩如魯望何多態
檄比賈王又一奇
題品自當高等級
搜求誰復盡毫釐
遺編綴輯非吾事
千古朱絃有子期

賈王

唐賈賈王傳義烏人善作文徐敬業起兵署爲筆札傳檄天下數武后之罪后讀之曰宰相安得失此人

造物無心賦耦奇
敢從窮達計前期
參軍桓府得君重
奮翼澠池徒爾爲
一瞥風花才過眼
半生歌笑幾伸眉
陸家正有

諸郎在寶劍千金更屬誰

寶劍

漢陸賈傳有五男乃出所使越橐中裝千金寶劍直百金謂其子曰與汝約過汝汝給人馬酒食所死家得寶劍

益父曹弟見過挽畱三數日大慰積年傾系之懷其行也漫爲長句以贈弟近詩超詣殆欲度驪駒前

故就其所可至而勉之

見二十九卷信武表

九萬扶搖先有程祗應貧病坐時名
暫同寢飯聊堪喜細話
艱危卻自驚從事舊慙三語掾
通家猶記十年兄文章正脈
須公等如我何年畫得成

三語掾

晉衛玠別傳太尉王君謐見千里而問曰老莊與聖教同異阮曰將無同太尉善其言辭爲掾世號三語掾

贈李文伯

鳳皇在山天下奇泰和以來王李倪承平人物天未絕耆舊
風流今復誰青紅自是兒女事老幹寧與春風期
萬壑松聲

一壺酒從公未覺去年遲

贈玉峰魏丈邦彥

夢想南山掩靄閒
眼明驚見玉峰寒
風波舊憶橫身過
世事今歸袖手看
販婦傭兒識名姓
故鄉遺族見衣冠
臨流小築平生事
會就遼東管幼安

贈答趙仁甫

見五卷詩

南冠牢落坐貧居
卻爲窮愁解著書
但見室中無長物
不聞門外有軒車
六朝人物風流在
兩月燕城笑語疎
寒士歡顏有他日
晚年畱看定何如

寒士

杜甫詩安得廣厦千萬間
大庇天下寒士俱歡顏

同德秀求田燕川分得同字

見上寄詩

數家邨落翠微中
茅屋眞堪著病翁
水竹漸知盤谷近
鄉鄰

仍與玉川通清泉白石言猶在赤日紅塵夢已空杖履追隨
自今始此行聊記與君同

玉川

韓愈詩玉川先生洛城裏破屋數間而已矣

德修家兒子

見上雁門詩

犀插隆顙玉作肌名郎風骨見來奇靈椿丹桂詩將應玉杵
元霜夢已知兒未生時夢得一兔竹馬乍騎猶未慣斑衣才著更相宜鳳
山自有鵝雛種九子相從不厭遲

贈任丈耀卿

袖手名城得海藏不妨身與世相忘故人非復烏衣巷勝事
仍餘綠野堂茶竈漫煎雲脚散蓮舟清嘯月波涼投詩未覺
追隨遠預怯君家百罰觴

賀德卿王太醫生子

喜色門闌笑語譁新兒浴罷試鉛華岳蓮盡發三峰秀夢筆
驚看五色花此日壽筵分象果異時雲漢望仙槎并州金馬
君知否藥籠陰功是故家

夢筆

齊江淹傳夢得五色筆由是文藻日新

金馬

中州集王汾州璘傳家世業醫有陰德聞里中嘗有金寶金馬之瑞金馬在都擇清卿房迄今寶之

贈麻信之

見三十九卷寄耶律書

梁苑同來手重分洛西情語意尤親相期晚歲定知我可道
古人惟有君霽日光風開白晝瓊林珠樹照青春陸機舊有
三閭屋便擬東頭著弟雲

射虎

虎跡駸駸近九關豈知飛將乃黃間弦弧霹靂應手破從騎
爛斑載錦還得意雲雷捲勅敵回頭藜藿但空山寢皮食肉
男兒事未分書生袖手閒

黃間

南都賦黃間機張

寢皮

左傳莊公爲勇爵建綽郭最欲綽焉州綽曰二子者豈若禽獸臣食其肉而履處其皮矣

茗飲

宿醒未破厭觥船紫笋分封入曉煎槐火石泉寒食後髣髴
禪榻落花前一甌春露香能永萬里清風意已便解后華胥
猶可到蓬萊未擬問羣仙

觥船

杜牧詩觥船一棹百分空十載青春不負公

槐火

東坡志林蘇軾在黃州夢詩句云寒食清明都過了石泉槐火一時新夢中曰火固新矣泉何

以新答曰俗以清明淘井故云

鬱鬱

鬱鬱羈懷不易開更堪寥落動淒哀華胥夢破青山在梁甫
吟成白髮催秋意漸隨林影薄曉寒都逐雁聲來并州近日
風塵惡悵望鄉書早晚回

秋日載酒光武廟

中州集劉景賢中秋日同辛敬之魏邦彥馬伯善庶信之元裕之燕集三鄉光武廟諸君有詩昂霄

亦繼作云積甲原頭漢宮登臨還喜故人同超超萬里乾坤眼凜凜千
年草木風今古消沈詩句裏河山浮動酒杯中極知勝日須盡飲更待銀

盤上
海東

美酒良辰解后同赤眉城北漢王宮百年星斗歸天上萬古
旌旗在眼中草木暗隨秋氣老河山長爲昔人雄一杯逕醉
風雲地莫放銀盤上海東

寄劉光甫

見一卷

山澤羸儒亦自豪塵埃俗吏豈勝勞陶潛貧裡營三徑潘岳
秋來見二毛芻狗已陳甘自棄轅駒未脫欲安逃因風寄謝
劉夫子極口推稱恐太高

轅駒

漢書武帝謂鄭當時曰
何乃局促如轅下駒

過臬州寄聶侯

地志河東北路平定州樂平縣興定四年升爲臬州。
名臣事略注引四賢堂記云初聶侯珪以土豪歸國師
平定者最久雅親文儒聞敬齋李公而賢之延至郡舍會遠山元公還太
原過之爲數日留因追憶開閣文獻二老作詩有百年喬木云云侯建謝

曰此珪志也方經始而侯卒。觀妙齋金石考李
治有平定等州大總帥聶公神道碑大德二年立

澗岡重複竝湍流斜日黃榆嶺上頭地底寶符臨趙國眼中
佛屋見臯州雲沙浩浩雁良苦木葉蕭蕭風自秋別後故人
應念我一詩聊與話離憂

寶符

史記
世家

病中感寓贈徐威卿兼簡曹益甫高聖舉先生

威卿見
八卷詩

益甫見七卷
舉或卽高鳴

讀書略破五千卷下筆須論二百年正賴天民有先覺豈容
文統落私權東曹掾屬冥行廢鄉校迂儒自聖癡不是徐卿
與高舉老夫空老欲誰傳

歸潛堂

南山老桂幾枝分翰墨風流屬兩君共說人間好歆向爭教

茅屋著機雲備嘗險阻聊乘化力戰紛華又策勲卻恐聲光
埋不得皇天久矣付斯文

元遺山詩集箋注卷十終